

史記載籍二

				漢書門
			一三	
			一九	
二二	二二	二二	二二	類
架	函	號	類	

內閣文庫		
番號	漢	1319
冊數	22	(15)
函號	285	78



索隱曰星
座有草
曹列位
吳官
鍾惺曰
句曰直
絕曰抵
携曰殺
枕曰戴
以字法
章法

天官書

太史公

中宮天極星其一明者太一常居也旁三星三公或

曰天璣後句四星末大星正妃餘三星後宮之屬也

環之匡衛十二星藩臣皆曰紫宮前列直斗口三星

隨北端允後古銳字若見若不曰陰德或曰天一紫

宮左三星曰天槍右五星曰天棓後六星絕漢抵營

室曰閣道北斗七星所謂璇璣玉衡以齊七政杓攜

龍角衡殷南斗魁枕參首用昏建者杓杓自華以西

天官書

余有丁曰諸家圖經悉以三台係之太微垣太史公將以列於

中宮北斗文昌之次以其為天子三階不可道之外垣也

南夜半建者衡。衡殷中州河濟之間。平旦建者魁。魁海岱以東北也。斗為帝車。運於中央。臨制四鄉。分陰陽。建四時。均五行。移節度。定諸紀。皆繫於斗。斗魁戴匡六星。曰文昌宮。一曰上將。二曰次將。三曰貴相。四曰司命。五曰司中。六曰司祿。在斗魁中。貴人之牢。魁下六星。兩兩相比。者名曰三能。按能古台字三能色齊。君臣和不齊。為乘戾。輔星明近。輔臣親彊。斥小疏弱。杓端有兩星。一內為矛。招搖。一外為盾。天鋒有白圈十

五星屬杓。曰賤人之牢。其牢中星實。則囚多。虛則閑。出天一槍。楛。矛。盾。動搖角。大兵起。
文耀鉤曰。中宮大帝。其精北極星。含元出氣。流精生一也。物理論云。北極天之中。陽氣之北極也。極南為太陽。極北為太陰。日月五星行太陰。則無光。行太陽。則能照。故為昏明寒暑之限極。正義曰。太一天神之最尊貴者。三公三星。在北斗杓東。又三公三星。在北斗魁西。並為太尉司徒司空之象。

○元命包云紫之為言此也。宮之為言中也。言天神運動陰陽開閤皆在此中。○索隱曰直當也。星經云陰德二星在紫薇宮內占以不明為宜。明新君踐極也。又云中宮女主之象星動搖釁起宮掖。○正義曰天一天帝之神主戰鬥知人吉立明而有光則陰陽和萬物成人主吉不然反是。○索隱曰石氏星讚云天檢天棊八星備非常之變也。閤道北斗之輔營室七星天子之宮亦天子離宮別館也。○索隱曰春秋運斗極云斗第一天樞第二天璇第三璣第四權第五衡第六開陽第七搖光第一至第四為魁第五至第七為杓合而為斗。文耀鉤云玉衡屬杓魁為璇璣整長曆云北斗七星星間相去九千里其一陰星不見者相去八千里也。馬融曰璿美玉也璣渾天儀可轉旋故曰璇衡其中橫筒以璿為璣以玉為衡蓋貴天象也。又馬融尚書註云七政者北斗七星各有所主一主日法

天二主月法地。三曰命火。謂熒惑也。四曰鎮土。謂填星也。五曰伐水。謂辰星也。六曰危木。謂歲星也。七曰罰金。謂太白也。日月五星各異。政故名七政。○孟康曰。龍角。東方宿也。攜連也。正義曰。按角星為天關。其間天門。其內天庭。黃道所經。七耀所行。左角為理。主刑。其北為太陽道。右角為將。主兵。其北為太陰道。○正義曰。杓斗第七星。言昏建用斗。杓指寅也。杓當華山西南之地。○正義曰。中州河濟。言斗衡正當黃河清水之間。且建用斗魁。指寅。海岱。齊地。言魁星主海岱之東北地也。○孟康曰。天理四星在斗魁中。貴人。字名曰天理。三能泰階三台也。黃帝六符經曰。泰階者。上階。上星為男主。下星為女主。中階。上星為諸侯三公。下星為卿大夫。下階。上星為士。下星為庶人。三階平。則陰陽和。風雨時。不平。則稼穡不成。冬雷夏霜。天行暴令。好與甲兵。修宮榭。廣苑囿。則上階為之圻也。○孟康

曰輔星在北斗第六星旁。索隱曰：勾圍形如連環，即貫索星也。

索隱曰：東宮蒼龍，其精為龍。

東宮蒼龍房心，心為明堂，大星天王，前後星子屬不欲直，直則天王失計。房為府，曰天駟，其陰右驂，旁有兩星曰衿，北一星曰牽，東北曲十二星曰旗，中四星曰天市，中六星曰市樓，市中星衆者實，其虛則耗。房南衆星曰騎官，左角李，右角將，大角者天王帝廷，其兩旁各有三星，鼎足句之，曰攝提，攝提者直斗杓

索隱曰：李即理法官也。

所指以建時節，故曰攝提格，亢為疏廟，主疾，其南北兩大星曰南門，辰為天根，主疫，尾為九子，曰君臣，斥絕不和，箕為敖客，曰口舌，火犯守角，則有戰，房心王者惡之也。

李巡曰：大辰蒼龍宿體最明，春秋說題辭云：心為明堂，天王布政之宮。洪範五行傳曰：心之大星，天王也。前星太子，後星庶子。詩紀歷樞云：房為天馬，主車駕，王者恒祠之，是馬祖也。說文云：牽

車軸尚鍵兩相穿背也。星經云鍵閉一星在房東北，掌管籥也。正義曰：旗者左旗九星在河鼓，右旗九星在河鼓右，皆天之鼓旗，所以為旌表。天市二十三星房心東北，主國市聚交易之所。一曰天旗，大角一星在兩攝提間，人君之象。亢四星為廟廷聽政之所，南門二星在庫樓南天之外門。星經云：氐四星為露寢聽朝所居，孫炎云：角亢下繫於氐，若木之有根，宋均云：三月榆筭落，故主疾。

疫也。然此時物雖生，而日宿在奎，行毒氣，故有疫疾。正義曰：尾為折木之津，於辰在寅，燕之分野。尾九星為後宮，亦為九子星，近心第一星為后妃，次三星並為次三嬪，末二星為妾。宋均云：教調弄也。箕以簸揚，謂弄為象。箕又受物，有去去來。客之象也。詩云：維南有箕，載翕其舌。正義曰：箕主八風，月宿其野為風起。常昭曰：火熒惑，正義曰：熒惑犯守箕尾，氐星自生芒角，則有戰陣之事。若

熒惑守房心及房心自生芒角則王者惡之也

南宮朱鳥權衡太微三光之廷匡衛十二星藩臣

西將東相南四星執法中端門門左右掖門門內六

星諸侯其內五星五帝坐後聚一十五星蔚然曰郎

位倚一大星將位也月五星順入軌道司其出所守

天子所誅也其逆入若不軌道以所犯命之中坐成

形皆羣下從謀也金火尤甚廷藩西有隋星五曰少

微士大夫權軒轅軒轅黃龍體前大星女主象旁小

星御者後宮屬月五星守犯者如衡占東井為水事

其西曲星曰鉞北北河南南河兩河天闕間為關

梁輿鬼鬼祠事中白者為質火守南北河兵起穀不

登故德成衡觀成潢傷成鉞禍成井誅成質柳為鳥

注主木草七星頸為負官主急事張素為厨主觴客

翼為羽翮主遠客軫為車主風其旁有一小星曰長

沙星不欲明明與四星等若五星入軫星中兵大

起軫南衆星曰天庫樓庫有五車星角若益衆及

史合或甫

天官書

七

索隱曰南宮赤帝其精為朱鳥正義云柳八星為朱鳥味天之厨宰主尚食和滋味

隋地果反

鄧以讚曰列鳥形果然燦乎天之文也參為白虎虛危如龜角尾象龍有意乎無意乎

不具無處車馬。

孟康曰。軒轅為權。太微為衡。權四星在軒轅尾西。主烽火。警急。○宋均曰。太微。天帝南宮。三光日月星也。○正義曰。太微宮垣十星。在翼軫地。天子之宮庭。五帝之坐。十二諸侯之府也。其外籓。九卿也。南籓中二星間為端門。次東第一星為左執法。廷尉之象。第二星為上相。第三星為次相。第四星為次將。第五星為上將。端門第一為右執法。御史

大夫之象。第二星為上將。第三星為次將。第四星為次相。第五星為上相。其東垣北左執法上相兩星間。名曰左掖門。上將兩星間。名曰東華門。上相次相上將次將間。名曰太陽門。其西垣右執法上相間。名曰右掖門。上將間。名曰西華門。次將次相間。名曰中華門。次相兩星間。名曰太陰門。各依其名。是其職也。五帝坐者。黃帝坐一星。在太微宮中。含樞紐之神。四星夾黃帝坐。蒼帝東方。靈威仰之

神赤帝南方赤熒怒之神白帝西方白昭矩之神
黑帝北方叶光紀之神五帝並設神靈集謀者也
卽位五星在太微中帝坐東北周之元士漢之光
祿中散諫議此三署卽中是今之尚書郎將一
星在卽位東北今之左右中卽將○索隱曰順入
從丙入也逆入從東入不軌道不繇康衢而入也
以所犯命者隨所犯之位天子必命誅討其人晉
灼曰中坐犯帝坐成形禍福之形見也○正義曰

廷太微廷藩衛也隋謂垂下也少微四星在太微
南北列第一星處士也第二星議士也第三星博
士也第四星大夫也軒轅十七星在七星北黃龍
之體主雷雨之神後宮之象也陰陽交感雷激爲
電和爲雨怒爲風亂爲霧凝爲霜散爲露聚爲雲
氣立爲虹霓離爲背瑤分爲抱珥二十四爻皆軒
轅主之其大星女主也次北星夫人也次北一星
妃也其次諸星皆次妃之屬女主南一星女御也

左一星少民后宗也東井八星鉞一星與鬼四星
為質一星為鶉首於辰在未皆秦之分野一大星
黃道所經為天之亭候主水衡事法令所取平也
王者用法平則井星明而端列鉞一星附井之前
主伺奢淫而斬之南河三星北河三星分夾東井
南北○索隱曰宋均云兩河六星知逆邪言關梁
之限知邪偽也正義曰關丘二星在河南天子之
雙闕諸侯之兩觀亦象魏縣書之府輿四星主祠
事天田也主視明察姦謀東北星主積馬東南星
主積兵西南星主積布帛西北星主積金玉中一
星為積屍一名質主喪死祠祀德成衡則能平
物故有德公平者先成形於衡觀成潢為帝車舍
言王者遊觀亦先成形於潢也傷成鉞者傷敗也
言王者敗德亦先成形於鉞以言有敗亂則有鉞
誅之形晉灼曰東井主水事火八一星居其旁天
子且以火敗故曰禍也熒惑入輿鬼天質占曰大

臣有誅。○漢書天文志注作喙。爾雅云鳥喙謂之柳。孫炎云喙朱鳥之口。柳其星聚也。以注為柳星。故主草木也。正義曰柳八星。星一星。張六星。為鶉火。於辰在午。皆周之分野。○索隱曰宋均云頭朱鳥頸也。負官。隴喉也。物在隴喉終不久留。故主急事也。素嗉也。爾雅云鳥張嗉。郭璞云鳥受食之處也。正義曰張主天厨飲食。賞齋觴客。翼二十二星。軫四星。長沙一星。轄二星。合軫七星。皆為鶉尾。於

辰在巳。楚之分野。翼為天樂府。又主夷狄。亦主遠客。軫四星居中。又有二星為左右轄車之象。軫與翼同位。為風車。動行疾似之也。○正義曰長沙一星在軫中。主壽命。天庫一星主太白。秦也在五車中。

西宮咸池曰天五潢。五潢五帝車舍。火入旱。金兵。水中有三柱。不具兵起。奎曰封豕。為溝瀆。婁為聚眾。胃為天倉。其南眾星曰詹積。昂曰髦頭。胡星也。為

索隱曰西宮白帝其精白虎咸池三星在天五車中。天潢南魚鳥

之所托也
奢音貴

觜子斯反
觜胡規反

漢書羅下
有列字

白。衣。會。畢。曰。罕。車。為。邊。兵。主。弋。獵。其。大。星。旁。小。星。為。
附。耳。附。耳。搖。動。有。諛。亂。臣。在。側。昂。畢。間。為。天。街。其。陰。
陰。國。陽。陽。國。參。為。白。虎。三。星。直。者。是。為。衡。石。下。有。三。
星。兌。曰。罰。為。斬。艾。事。其。外。四。星。左。右。有。股。也。小。三。星。
隅。置。曰。觜。觜。為。虎。首。主。葆。旅。事。其。南。有。四。星。曰。天。厠。
厠。下。一。星。曰。天。矢。矢。黃。則。吉。青。白。黑。凶。其。西。有。句。曲。
九。星。三。處。羅。一。曰。天。旗。二。曰。天。苑。三。曰。九。游。其。東。有。
大。星。曰。狼。二。角。變。色。多。盜。賊。下。有。四。星。曰。弧。直。狼。二。

此。地。有。大。星。曰。南。極。老。人。老。人。見。治。安。不。見。兵。起。常。
以。秋。分。時。候。之。於。南。郊。附。耳。入。畢。中。兵。起。

索。隱。曰。元。命。包。云。咸。池。主。五。穀。言。穀。生。於。水。含。秀。
含。寔。主。秋。垂。故。一。名。五。帝。車。舍。言。以。車。載。穀。而。取。
也。火。旱。金。兵。水。水。不。言。木。土。者。木。土。德。星。於。此。不。
為。害。也。○。正。義。曰。奎。十。六。星。婁。三。星。為。降。婁。於。辰。
在。成。魯。之。分。野。奎。天。之。府。庫。一。曰。天。豕。亦。曰。封。豕。
主。溝。瀆。西。南。大。星。所。謂。天。豕。王。者。宗。祀。不。潔。則。奎。

動搖若酸土有光則近臣謀上之應亦庶人饑饉
之厄太白守奎胡貉之憂可以伐之熒惑星主之
則有水之憂連以三年填星歲星守之中國之利
外國不利可興師動衆斬斷無道婁三星為苑牧
養犧牲以共祭祀宵三星昴七星畢八星為大梁
於辰在酉趙之分野宵主倉廩五穀之府○如淳
曰詹積芻藁積為詹也芻藁六星在苑西主積藁
草昴七星為髦頭胡星亦為獄事畢八星曰罕車
為邊兵主弋獵其大星曰天高一曰邊將四夷之
尉也月宿則多雨附耳一星屬畢大星之下次天
高東南隅主為人主聽得失伺僇過○索隱曰元
命包云畢為天階孫炎云畢昴之間日月五星出
入要道若津梁正義曰天街三星在畢昴間主國
界也街南為華夏之國街北為夷狄之國觜三星
參三星外四星為寔沈於辰在中魏之分野為白
虎形也○孟康曰參三星者白虎宿中西直似稱

衡故曰衡石三星少斜在參間上小下大故曰銳
罰亦作伐參伐事主斬艾○晉志曰東北曰左肩
主左將西北曰右肩主右將東南曰左足主後將
軍西南曰右足主偏將軍故黃帝占參應七將中
央三小星曰伐天之都尉也主胡鮮卑戎狄之國
故不欲明七將皆明天下兵精也○正義曰天廁
四星在屏主溷天矢一星在廁南參旗九星在參
西天旗也指麾遠近以從命者王者斬伐當理則
天旗曲直順理不然則兵動於外天苑十六星如
環狀在畢南天子養禽獸之所九游九星在玉井
西南天子之兵旗所以導軍進退亦領州列邦搖
動則九州分散人民失業狼一星參東南狼為野
將主侵掠弧九星在狼東南天之弓也以伐叛懷
遠○晉灼曰比地近地也正義云老人一星在弧
南一曰南極為人主占壽命延長之應常以秋分
之曙見於景春分之久見於丁見於國長命天下

安寧

索隱曰北宮黑帝其精玄武爾雅云玄栢虛也又云非陸虛也解者以陸為道陸炎曰陸中也北方之宿中也南斗六星牽牛六星並非宮玄武之

北宮玄武虛危。為蓋屋。虛為哭泣之事。其南有衆星曰羽林天軍。軍西為壘。或曰鉞。有一大星為北落。北落若微。亡軍。星動角。益希。及五星犯北落。入軍。軍起。火金水尤甚。火軍憂。水患。木土軍吉。危東六星。兩兩相比。曰司空。營室為清廟。曰離宮。閣道。漢中四星曰天駟。旁一星曰王良。王良策馬。車騎滿野。旁有八星。絕漢曰天潢。天潢旁江星。江星動。人涉水。杵曰四星。在危南。匏瓜有青黑星守之。魚鹽貴。南斗為廟。其北建星。建星者旗也。牽牛為犧牲。其北河鼓。河鼓大星。上將。左右。左右將。婺女。其北織女。織女。天女。孫也。

正義曰。虛二星。危三星。為玄栢於辰在子。齊之分野。虛主死喪哭泣事。又為邑居廟堂祭祀禱祝之事。亦天之冢宰。主平理天下。覆藏萬物。危為宗廟祀事。主天市架屋。○索隱曰。宋均云。危上一星。高

旁兩星。隋下似乎蓋屋也。正義云：蓋屋二星，在危南，主天子所居宮室之官。羽林三十五星，三三而聚，散在壘，辟南天軍也。亦天宿衛之兵，革壘辟陳十二星，橫列在營室南，天軍之營壘北落師門一星，在羽林西南，天軍之門也。長安城北落門，以象此危東兩星，相比者是司命等星也。司空唯一星耳，又不在危東，恐命字誤為空也。司命二星，在虛北，主喪送。司祿二星，在司命北，主官司。危二星，在

司祿北，主危亡。司非二星，在危北，主憊過，皆冥司之職。○元命包云：營室十星，延陶精類，始立紀綱。包物為室，天下作宮室，皆以營室中為正也。荊州占云：閣道，王良旗也。有六星，漢中四星曰騎，一曰天駟。○正義曰：王良五星，在奎北河中，天子奉御官也。策一星，在王良前，主天子僕，或居馬後，則為策馬。○索隱曰：宋均云：天潢，天津也。正義曰：天江四星，在尾北，主太陰。杵曰三星，在夾人旁，主軍糧。

匏瓜五星。在離珠北。天子果園。建六星。在斗北。臨黃道。天之都闕也。斗建之間。七耀之道。亦主旗輅。牽牛為犧牲。亦為闕梁。其北二星。一曰即路。一曰聚火。又上一星。主道路。次二星。主闕梁。○孫炎云。河鼓之旗。十二星。正義云。河鼓三星。在牽牛北。主軍鼓。所以備闕梁而拒難也。自昔傳牽牛織女。七月七日相見。此星也。須女四星。亦婺女。天少府也。南斗牽牛須女。皆為星紀。於辰在丑。越之分野。而

斗牛。吳之分野也。須女。賤妾之稱。婦職之卑者。主布帛。裁製嫁娶。織女三星。在河北。天紀東。天女也。主東。蘇絲帛珍寶。

察日月之行。以揆歲星順逆。曰東方木。主春日甲乙。義失者。罰出歲星。歲星羸縮。以其舍命國所在。國不可伐。可以罰人。其趨舍而前曰羸。退舍曰縮。羸其國有兵。不復縮。其國有憂。將亡。國傾敗。其所在五星皆從而聚於一舍。其下之國。可以義致。天下以攝提格

趨音聚謂
促也
吳和基曰
漢高帝元
年五星皆
聚東井天

文志云其
年歲星在
東井四星
從而聚也

歲陰左行在寅歲星右轉居丑正月與斗牽牛晨
出東方名曰監德色蒼有光其失次有應見柳歲
早水晚旱歲星出東行十二度百日而止反逆行逆
行八度百日復東行歲行三十度十六分度之七率
日行十二分度之一十二歲而周天出常東方以晨
入於西方用昏單闕歲陰在卯星居子以二月與
婺女虛危晨出曰降入大有光其失次有應見張名
曰降入其歲大水執徐歲陰在辰星居亥以三月

辨白邊反

居與營室東壁晨出曰青章青青甚章其失次有應
見軫曰青章歲早早晚水大荒駱歲歲陰在巳星居
戌以四月與奎婁胃昴晨出曰駢踵熊熊赤色有光
其失次有應見亢敦牂歲歲陰在午星居酉以五月
與胃昴畢晨出曰開明炎上有光偃兵唯利公王不
利治兵其失次有應見房歲早早晚水叶洽歲陰
在未星居申以六月與觜觸參晨出曰長列昭有
光利行兵其失次有應見箕泥灘歲陰在申星居

天文志開
明作啟明

諸化昆反

雖河唯反

鍾惺曰奇語

未以七月與東井輿鬼晨出曰大音昭昭白其失次
 有應見牽牛作鄂歲歲陰在酉星居午以八月與柳
 七星張晨出曰為長王作作有芒國其昌熟穀其失
 次有應見危曰大章有旱而昌有女喪民疾闕茂歲
 歲陰在戌星居巳以九月與翼軫晨出曰天睢白色
 大明其失次有應見東壁歲水女喪大淵獻歲歲陰
 在亥星居辰以十月與角亢晨出曰大章蒼然星
 若躍而陰出旦是謂正平起師旅其率必武其國有
 德將有四海其失次有應見婁困敦歲陰在子星
 居卯以十一月與氐房心晨出曰天泉玄色甚明江
 池其昌不利起兵其失次有應在昴赤奮若歲陰
 在丑星居寅以十二月與尾箕晨出曰天皓黓然黑
 色甚明其失次有應見參當居不居之又左右搖
 未當去去之與他星會其國凶所居久國有德厚其
 角動乍小乍大若色數變人主有憂其失次舍以下
 進而東北三月生天棊長四尺未光進而東南三月

楊慎曰黓
 即左傳左
 輪未斂之
 般
 鍾惺曰文
 法奇變

鍾惺曰收
有力
迎一作御

生彗星長二丈類彗星退而西北二月生天棓長四
丈未允退而西南三月生天槍長數丈兩頭允謹視
其所見之國不可舉事用兵其出如浮如沈其國有
土功如沈如浮其野亡色赤而有角其所居國昌迎
角而戰者不勝星色赤黃而沈所居野大穰色青白
而赤灰所居野有憂歲星八月其野有逐相與太白
聞其野有破軍歲星一曰攝提曰重華曰應星曰紀
星營室為清廟歲星廟也

物理論云歲行一次謂之歲星晉灼曰太歲在四
仲則歲行三宿太歲在四孟四季則歲行二宿二
八十六三四十二而行二十八宿十二歲而周天
○正義曰歲星者東方木之精蒼帝之象主五穀
天文志云春日甲乙四時春也五常仁五事貌也
人主仁虧貌失逆時令傷木氣則罰見歲星○索
隱曰降入即歲星正月晨見東方之名其餘唯此
○正義曰歲星之精散而為天槍天棓天衝天猾

國皇天攬及登天荆真若天猿天垣蒼華皆以應
凶災也

剛一作罰

察剛氣以處熒惑曰南方火主夏日丙丁禮失罰出
熒惑熒惑失行是也出則有兵入則兵散以其舍命
國熒惑熒惑為勃亂殘賊疾喪饑兵反道二舍以上
居之三月有殃五月受兵七月半亡地九月大半亡
地因與俱出入國絕祀居之殃還至雖大當小久而
至當小反大其南為大夫北為女子喪若角動統環
之及乍前乍後左右殃益大與他星鬪光相逮為害
不相逮不害五星皆從而聚於一舍其下國可以禮
致天下法出東行十六舍而止逆行二舍六旬復東
行自所止數十舍十月而入西方伏行五月出東方
其出西方曰反明主命者惡之東行急一日行一度
半其行東西南北疾也兵各聚其下用戰順之勝逆
之敗熒惑從太白軍憂離之軍却出太白陰有分軍
行其陽有偏將戰當其行太白逮之破軍殺將其入

鍾惺曰更
緊嚴

守犯太微軒轅營室主命惡之心為明堂熒惑廟也
謹候此

天官占云熒惑方伯象司察妖孽文耀鈞云赤帝
熒怒之神為熒惑。徐廣曰熒惑為理外則理兵
內則理政。天官志云熒惑為執法之星其行無常
以其舍命國為殘賊為疾為喪為饑為兵環繞勾
曲芒角動搖乍前乍後其殃逾甚熒惑主死喪大
鴻臚之象主甲兵大司馬之象伺驕奢亂孽執法

官也其精為風伯惑童兒歌謠嬉戲也

鍾惺曰文
法搖擺錯
綜

曆斗之會以定填星之位曰中央土主季夏日戊巳
黃帝主德女主象也歲填一宿其所居國吉未當居
而居若已去而復還還居之其國得土不乃得女若
當居而不居既已居之又西東去其國失土不乃失
女不可舉事用兵其居久其國福厚易福薄其一名
曰地侯主歲歲行十二度百十二分度之五日行二
十八分度之一二十八歲周天其所居五星皆從而

徐廣曰易
猶輕速也

鍾惺曰奇語

聚於一舍其下之國可重致天下禮德義殺刑盡失而填星乃為之動搖羸為王不寧其縮有軍不復填星其色黃九芒音曰黃鐘宮其失次上二三宿曰羸有主命不成不乃大水失次下二三宿曰縮有后戚其歲不復不乃天裂若地動斗為文太室填星廟天子之星也木星與土合為內亂饑主勿用戰敗水則變謀而更事火為旱金為白衣會若水金在南曰牝牡年穀熟金在北歲偏無火與水合為焯與金合為

鍾惺曰韻語又曰以下八句皆用韻如今星卜家歌訣也

鏢為喪皆不可舉事用兵大敗土為憂王孽卿大饒戰敗為北軍困舉事大敗土與水合穰為擁閉有覆軍其國不可舉事出亡地入得地金為疾為內兵亡地三星若合其宿地國外內有兵與喪改立公王四星合兵喪並起君子憂小人流五星合是謂易行有德受慶改立大人奄有四方子孫蕃昌無德受殃若亡五星皆大其事亦大皆小事亦小蚤出者為羸羸者為客晚出者為縮者為主人必有天應見於

意一作志

杓星同舍為合。相凌為鬪。七寸以內必之矣。五星色白圓為喪。旱赤圓則中不平。為兵。青圓為憂。水黑圓為疾。多死。黃圓則吉。赤角犯我城。黃角地之爭。白角哭泣之聲。青角有兵憂。黑角則水意。行窮兵之所終。五星同色。天下偃兵。百姓寧昌。春風秋雨。冬寒夏暑。動搖常以此。填星出百二十日而逆。西行。西行百二十日。反東行。見三百三十日而入。入三十日。復出東方。太歲在甲寅。鎮星在東。辟。故在營室。

索隱曰。晉灼云。常以甲辰之元。始建斗歲。鎮一宿。二十八歲而周天。文耀鉤云。鎮黃帝合樞紐之精。其體旋璣。中宿之分也。○楊慎曰。白衣會。若國哀大臨之事。○索隱曰。晉灼云。歲陽也。太白陰也。故曰牝牡。正義曰。星經云。金在南。木在北。名曰牝牡。年穀大熟。金在北。木在南。其年或有或無。察日行以處位。太白曰西方秋。司兵。月行及天。矢曰庚辛。主殺。失者。罰出太白。太白失行。以其舍命國。

其出行十八舍。二百四十日而入。入東方。伏行十一舍。百三十日。其入西方。伏行三舍。十六日而出。當出不出。當入不入。是謂失舍。不有破軍。必有國君之篡。其紀上元。以攝提格之歲。與營室晨出東方。至角而入。與營室夕出西方。至角而入。與角晨出。入畢。與角夕出。入畢。與畢晨出。入箕。與畢夕出。入箕。與箕晨出。入柳。與箕夕出。入柳。與柳晨出。入營室。與柳夕出。入營室。凡出入東西各五。為百歲。二百二十日。復與營

星曰文
而錯

一作

室晨出東方。其大率歲一周天。其始出東方。行遲。率日半度。一百二十日。必逆行。一二舍。上極而反。東行。行日一度半。一百二十日。入其庫。近日。曰明星。柔高。遠日。曰大囂。剛。其始出西行。疾。率日一度半。百二十日。上極而行。遲。日半度。百二十日。且入。必逆行。一二舍。而入其庫。近日。曰太白。柔。高。遠日。曰大相。剛。出以辰戌。入以丑未。當出不出。未當入而入。天下偃兵。兵在外。入未當出而出。當入而不入。下起兵。有破國。其

史拾遺補 刑部書

當期出也。其國昌，其出東為東，入東為北方，出西為西，入西為南方，所居久，其鄉利，疾其鄉凶，出西逆行，至東，正西國吉，出東至西，正東國吉，其出不經天，經天，天下革政，小以角動，兵起，始出大，後小兵弱，出小後大，兵強，出高，用兵深吉，淺凶，庫淺吉，深凶，日方南，金居其南，日方北，金居其北，曰羸，侯王不寧，用兵進吉，退凶，日方南，金居其北，日方北，金居其南，曰縮，侯王有憂，用兵退吉，進凶，用兵象太白，太白行疾，行

鄧以讚曰：漢書作圓，以靜似此，國字誤。

與奴亂反。

運，行角敢戰，動搖躁，國以靜，順角所指，吉反之，皆凶，出則出兵，入則入兵，赤角有戰，白角有喪，黑圓角，憂有水事，青圓小角，憂有木事，黃圓和角，有土事，有年其已出三日，而復有微入，入三日，乃復盛出，是謂與，其下國有軍敗將北，其已入三日，又復微出，出三日，而復盛入，其下國有憂，師有糧食，兵革遺人，用之，卒雖衆，將為人虜，其出西失行，外國敗，其出東失行，中國敗，其色大圓黃淖，可為好事，其圓大赤，兵

與奇澤

史拾遺補 天官書

吳如基曰
接桑榆間
行遲而下
也形容得
出

盛不戰。太白、比、狼、赤、比、心、黃、比、參、左、肩、蒼、比、參、右、
肩、黑、比、奎、大、星、五、星、皆、從、太、白、而、聚、乎、一、舍、其、下、之、
國、可、以、兵、從、天、下、居、實、有、得、也、居、虛、無、得、也、行、勝、色、
色、勝、位、有、位、勝、無、位、有、色、勝、無、色、行、得、盡、勝、之、出、而、
留、桑、榆、間、疾、其、下、國、上、而、疾、未、盡、其、日、過、參、天、疾、其、
對、國、上、復、下、下、復、上、有、反、將、其、八、月、將、膠、金、木、星、合、
光、其、下、戰、不、合、兵、雖、起、而、不、鬪、合、相、毀、野、有、破、軍、出、
西、方、昏、而、出、陰、兵、疆、暮、食、出、小、弱、夜、半、出、中、弱、鷄、
鳴、出、大、弱、是、謂、陰、陷、於、陽、其、在、東、方、乘、明、而、出、陽、
兵、之、疆、鷄、鳴、出、小、弱、夜、半、出、中、弱、昏、出、大、弱、是、謂、陽、
陷、於、陰、太、白、伏、也、以、出、兵、兵、有、殃、其、出、卯、南、勝、北、
方、出、卯、北、北、勝、南、方、正、在、卯、東、國、利、出、酉、北、北、勝、南、
方、出、酉、南、勝、北、方、正、在、酉、西、國、勝、其、與、列、星、相、犯、
小、戰、五、星、大、戰、其、相、犯、太、白、出、其、南、國、敗、出、其、北、
北、國、敗、行、疾、武、不、行、文、色、白、五、芒、出、蚤、為、月、蝕、晚、為、
天、矢、及、彗、星、將、發、其、國、出、東、為、德、舉、事、左、之、迎、之、吉、

出西為刑舉事右之背之吉反之皆凶大白光見景
戰勝晝見而經天是謂爭明疆國弱小國強女主昌
亢為疏廟太白廟也太白大臣也其號上公其他名
殷星大正營星觀星宮星明星大哀大澤終星大相
天浩序星月緯大司馬位謹候此

索隱曰韓詩云太白晨出東方為啟明昏見西方
為長庚天官占云太白者西方金之精白帝之子
上公大將軍之象天文志云其日庚辛四時秋也

五常義也五事言也人主義虧言失逆時令傷金
氣罰見太白春見東方以晨秋見西方以夕也○
正義曰太白五芒出早為月蝕晚為天矢及彗○
索隱曰按上元是古曆之名言用上元紀曆法○
孟康云經天謂出東入西出西入東也太白陰星
出東當伏東出西當伏西過午為經天又晉灼曰
日陽也日出則星沒太白晝見午上為經天也○
索隱曰寔謂星所合居之宿虛謂羸縮○晉灼曰

太白行得度者勝色也。過參天者三分天過其一。此在戌酉之間。孟康曰對國謂出東入西出西入東也。

察日辰之會以治辰星之位。曰北方水太陰之精。主冬。日壬癸刑失者。罰出辰星以其宿命國。是正四時。仲春。分。夕出郊奎婁胃東五舍。為齊。仲夏夏至。夕出郊東井輿鬼柳東七舍。為楚。仲秋。分。夕出郊角亢氐房東四舍。為漢。仲冬冬至。晨出郊東方與尾箕

斗牽牛俱西為中國。其出入常以辰戌丑未。其蚤為月蝕。晚為彗星及天矢。其時宜效不效為失。追兵在外不戰一時不出。其時不和四時不出。天下大饑。其當效而出也。色白為旱。黃為五穀熟。赤為兵。黑為水。出東方大而白。有兵於外。解常在東方。其赤中國勝。其西而赤外國利。無兵於外。而赤兵起。其與太白俱出。出東方皆赤而角。外國大敗。中國勝。其與太白俱出。西方皆赤而角。外國利。五星分天之中。積於東方中。

國利積於西方。外國用者利。五星皆從辰星而聚於一舍。其所舍之國。可以法致天下。辰星不出。太白為客。其出。太白為主。出而與太白不相從。野雖有軍。不戰。出東方。太白出西方。若出西方。太白出東方。為格。野雖有兵。不戰。失其時而出。為當寒。及溫。當溫。及寒。當出不出。是謂擊卒。兵大起。其入太白中。而上出。破軍。殺將。客軍勝。下出。客亡地。辰星來抵太白。太白不去。將死。正旗上出。破軍。殺將。客勝。下出。客亡地。視旗。

藏音函

所指以命破軍。其繞環太白。若與鬪。大戰。客勝。免過。太白間可械。劔。小戰。客勝。免居太白前。軍罷。出太白左。小戰。摩太白。有數萬人戰。主人吏死。出太白右。去三尺。軍急。約戰。青角。兵憂。黑角。水。赤行。窮兵之所終。免七命。曰。小正。辰星。天機。安周星。細爽能星。鈎星。其色黃。而小出。而易處。天下之文。變而不善矣。免五色。青。圓。憂。白。圓。喪。赤。圓。中。不平。黑。圓。吉。赤。角。犯我城。黃。角。地之爭。白。角。號泣之聲。其出東方。行四舍。四十八。

日其數二十日而反入於東方其出西方行四舍四
十八日其數二十日而反入於西方其一候之營室
角畢箕柳出房心間地動辰星之色春青黃夏赤白
秋青白而歲熟冬黃而不明即變其色其時不昌春
不見大風秋則不實夏不見有六十日之旱月蝕秋
不見有兵春則不生冬不見陰雨六十日有流邑夏
則不長

正義曰天官占云辰星北水之精黑帝之子宰相
之祥也亦偏將廷尉象也天文志云其日壬癸四
時冬也人主虧智失聰逆時令傷水氣則罰見辰
星○索隱曰宋均云辰星與月同精月為大臣先
期而出是躁也失則當誅故月蝕者所以為災祥
也辰星陰也彗亦陰之謀未成故晚出也張晏曰
彗所以除舊布新按旗蓋太白芒角似旌旗正義
曰旗星名有九星○按廣雅云辰星謂兔星則辰
星之別名兔或作兔也○蘇林曰械容也械劍謂

列宿分野

星經云益
刑魏地畢
嘴參之分

其間可容一劍。○索隱曰：免七命，謂免星凡有七命者名也。

角亢氐兗州，房心豫州，尾箕幽州，斗江湖，牽牛婺女揚州，虛危青州，營室至東壁并州，奎婁胃徐州，昴畢冀州，觜參益州，東井輿鬼雍州，柳七星張三河翼軫荊州，七星為員官，辰星廟，蠻夷星也。兩軍相當，日暈等力，鈞厚長大，有勝薄短小，無勝重抱，大破無抱，為和，背不和為分離，相去直為自立，立侯王，指暈。

若曰殺將，負且戴，有喜，圈在中，中勝在外，勝青外赤中，以和相去，赤外青中，以惡相去，氣暈先至而後去，居軍勝，先至先去，前利後病，後至後去，前病後利，後至先去，前後皆病，居軍不勝見而去，其發疾雖勝無功，見半日以上，功大白虹屈短，上下兌，有者下大流血，日暈制勝，近期三十日，遠期六十日，其食之所不利，復生之所利，而食益盡為主位，以其直及日所宿，加以日時，用命其國也。

學奇曰：白
虹屈短屈
或作尾常
昭曰：短而
盡

月行中道安寧和平陰間多水陰事外北三尺陰星
北三尺太陰大水兵陽間驕恣陽星多暴獄太陽大
早喪也角天門十月為四月十一月為五月十二月
為六月水發近三尺遠五尺犯四輔臣誅行南北
河以陰陽言旱水兵喪月蝕歲星其宿地饑若亡熒
惑也亂填星也下犯上太白也疆國以戰敗辰星也
女亂食大角主命者惡之心則為內賊亂也列星其
宿地憂月食始日五月者六之月者五五月復六之

陳仁錫曰
星分野月
亦分野也
陰屬地亦
陰也

月者一而五月者凡五百一十三月而復始故月蝕
常也日蝕為不減也甲乙四海之外日月不占丙丁
江淮海岱也戊巳中州河濟也庚辛華山以西壬癸
恒山以北日蝕國君月蝕將相當之

索隱曰按中道房室星之中間也房有四星若人
之房三間有四表然故曰房南為陽間北為陰間
則中道房星之中間也角天門謂月行入角與天
門若十月犯之當為來年四月成災十一月則主

合或甫

三十一

五月也。四輔房四星也。房以輔心，故曰四輔。○正義曰：南河三星，北河三星。若月行北河以陰，南河以陽，則水旱兵喪也。○孟康云：凡星入月，見月中，為星蝕月。月掩星星，滅為月蝕星。○徐廣曰：食大角，一云食於大角。正義曰：大角一星，在兩攝提間，人君之象。○索隱曰：列星謂月蝕列星，二十八宿當其分地有憂也。始日謂蒼始起之日。國皇星大而赤，狀類南極，所出其下起兵，兵彊其衝，不利。

正義曰：皇星者，去地三丈，如炬火。孟康曰：歲星之精散所為也。五星之精散為六十四變，記不盡。

昭明星大而白，無角。乍上乍下，所出國起兵多變。

索隱曰：昭明星，赤帝之精，象如太白。七芒，釋名為筆星。氣有一枝，末銳似筆。亦曰日華星。

五殘星出正東，東方之野，其星狀類辰星，去地可六丈大。

鍾惺曰：叙列星隻言片語，極小文之妙。

孟康云五殘星。星表有青氣暈。有毛。填星之精也。
正義曰。一名五鋒。毀敗之徵。大臣誅亡之象。

賊星出正南方之野。星去地可六丈。大而赤。數動。有光。

孟康曰。賊星形如彗。九尺。太白之精。正義曰。大賊星者。一名六賊。出則福合天下。

司危星出正西西方之野。星去地可六丈。大而白。類太白。

孟康曰。星大而尾。兩角熒惑之精也。正義曰。見則以天子不義失國。而豪傑起。

獄漢星出正北北方之野。星去地可六丈。大而赤。數動。察之中。青。此四野星所出。出非其方。其下有兵。衝不利。

孟康曰。獄漢星。一名咸漢。青中赤表。下有二彗。縱橫。亦填星之精也。

四填星所出。四隅去地可四丈。

鐘惺曰奇語邪音蛇

地維成光亦出四隅去地可三丈若月始出所見下有亂者亡有德者昌

燭星狀如太白其出也不行見則滅所燭者城邑亂如星非星如雲非雲命曰歸邪歸邪出必有歸國者

孟康曰燭星上有三彗上出亦填星之精○歸邪星有兩赤彗上向上有蓋狀如氣下連星

星者金之散氣本曰火星衆國吉少則凶

孟康曰火亦星名

漢者亦金之散氣其本曰水漢星多多水少則旱其大經也

索隱曰按水生金散氣即水氣孟康曰漢河漢也多少謂漢中星

天鼓有音如雷非雷音在地而下及地其所往者兵發其下

天狗狀如火奔星有聲其下止地類狗所隨及炎火望之如火光炎之衝天其下圜如數頃田處上光者

炎音艷

格澤一音
格澤

則有黃色千里破軍殺將

孟康曰天狗星有尾旁有短彗下有如狗形者亦

太白之精

格澤星者如炎火之狀黃白起地而上下大上兌其見也不種而獲不有土功必有大害

蚩尤之旗類彗而後曲象旗見則王者征伐四方

孟康曰蚩尤之旗熒惑之精也呂氏春秋曰其色

黃上下白

旬始出於北斗旁狀如雄鷄其怒青黑象伏鼈

徐廣曰旬始蚩尤也

枉矢類大流星蛇行而倉黑望之如有毛羽然

長庚如一匹布著天此星見兵起

星墜至地則石也河濟之間時有墜星

天精而見景星景星者德星也其狀無常常出於有

道之國

孟康曰天精者明也有赤方氣與青方氣相連赤

旬一作營
鍾惺曰怒
字說星奇
又曰愈碎
愈趣

方中有兩黃星。青方中一黃星。凡三星合為景星。正義曰。景星狀如半月。生於晦朔。助月為明。則明聖之慶也。

鍾惺曰。以下二段尤奇。變小文。小賦妙境。

凡望雲氣。仰而望之。三四百里。平望在桑榆上。餘二千里。登高而望之。下屬地者。三千里。雲氣有獸居上者。勝自華以南。氣下黑上赤。嵩高三河之郊。氣正赤。恒山之北。氣下黑上青。勃碣海岱之間。氣皆黑。江淮之間。氣皆白。徒氣白。土功氣黃。車氣乍高乍下。往

搏徒端反

遇音偶

索隱曰。車通車撤也。

避武帝諱。故曰通。

鄧以讚曰。語工。勢亦縱橫。

而聚騎。氣卑而布卒。氣搏前卑而後高者。疾。前方而高。後兌而卑者。郤。其氣平者。其行徐。前高而後卑者。不止而反。氣相遇者。卑勝高。兌勝方。氣來卑而循車。通者。不過三四日去之。五六里見。氣來高七八尺者。不過五六日去之。十餘二十餘里見。氣來高丈餘二丈者。不過三四十日去之。五六十里見。稍雲精白者。其將悍。其士怯。其大根而前絕遠者。當戰。青白。其前低者。戰勝。其前赤而仰者。戰不勝。陣雲如立垣。杼雲

史合載補

天官書

卷八

類。杼。軸。雲。搏。兩。端。兌。杓。雲。如。繩。者。居。前。亘。天。其。半。三。天。其。整。者。類。闕。旗。故。鈞。雲。句。曲。諸。此。雲。見。以。五。色。合。占。而。澤。博。密。其。見。動。人。乃。有。占。兵。必。起。合。闕。其。直。王。朔。所。候。決。於。日。旁。日。旁。雲。氣。人。主。象。皆。如。其。形。以。占。故。北。夷。之。氣。如。羣。畜。宮。閭。南。夷。之。氣。類。舟。船。幡。旗。大。水。處。敗。軍。場。破。國。之。虛。下。有。積。錢。錢一作泉金。寶。之。上。皆。有。氣。不。可。不。察。海。旁。蝦。氣。象。樓。臺。廣。野。氣。成。宮。闕。然。雲。氣。各。象。其。山。川。人。民。所。聚。積。故。候。息。耗。者。入。國。邑。

鄉音慶

鄧以讚曰
四字句全
叶韵
坎音服
閨泉漢書
作潤息

視。封。疆。田。疇。之。正。治。城。郭。室。屋。門。戶。之。潤。澤。次。至。車。服。畜。產。精。華。實。息。者。吉。虛。耗。者。凶。若。煙。非。煙。若。雲。非。雲。郁。郁。紛。紛。蕭。索。綸。困。是。謂。鄉。雲。鄉。雲。見。喜。氣。也。若。霧。非。霧。衣。冠。而。不。濡。見。則。其。域。被。甲。而。趨。天。雷。電。蝦。虹。辟。歷。夜。明。者。陽。氣。之。動。者。也。春。夏。則。發。秋。冬。則。藏。故。候。者。無。不。司。之。天。開。縣。物。地。動。坼。絕。山。崩。及。徙。川。塞。谿。坎。水。澹。澤。竭。地。長。見。象。城。郭。門。閭。閨。泉。枯。橐。宮。廟。邸。第。人。民。所。次。謠。俗。車。服。觀。民。飲。食。五。穀。草。木。觀。

倍五故反
化當作訛

其所屬倉府廡庫四通之路六畜禽獸所產去就魚鼈鳥鼠觀其所處鬼哭若呼其人逢倍化言誠然

正義曰崔豹古今注云黃帝與蚩尤戰於涿鹿之野常有五色雲氣金枝玉葉止於帝上有花蔦之象故因作華蓋也京房易飛候云視四方常有火雲五色見其下賢人隱也青雲潤菽日在西北爲舉賢良也○洛書云有雲象人青衣無乎在日西天子之氣故曰人主象○淮南子云土地各以類

生人是故山氣多勇澤氣多瘠風氣多聲林氣多譬木氣多樞石氣多力陰阻氣多壽谷氣多痺丘氣多狂廟氣多仁陵氣多貪輕土多利足重土多遲清水音小濁水音大湍水人重中土多聖人皆象其氣皆應其類也○索隱曰逢倍謂相逢而驚也

凡候歲美惡謹候歲始歲始或冬至日產氣始萌臘明日人衆卒歲一會飲食發陽氣故曰初歲正月旦

風占

孟康曰為成也
迷音促

王者歲首立春日四時之卒始也四始者候之日而

漢魏鮮係人姓名集臘明正月旦決八風從南方來大

旱西南小旱西方有兵西北戎菽為小雨趣兵北方

為中歲東北為上歲上歲大穰也東方大水東南民有疾

疫歲惡故八風各與其衝對課多者為勝多勝少久

勝亟疾勝徐旦至食為麥食至日昃為稷昃至舖為

黍舖至下舖為菽下舖至日入為麻欲終日有雨有

雲有風有日日當其時者深而多實無雲有風自當

其時淺而多實有雲風無日當其時深而少實有日

無雲不風當其時者稼有敗如食頃小敗熟五斗米

頃大敗則風復起有雲其稼復起各以其時用雲色

占種其所宜其雨雪若寒歲惡是日光明聽都邑人

民之聲宮則歲善吉商則有兵徵旱羽水角歲惡

或從正月旦比數雨率日食一升至七升而極過之

不占數至十二日日直其月占水旱為其環城千里

內占則其為天下候竟正月月所離列宿日風雲占

鍾惺句法
奇甚

人散占

雨占

太歲占

王炭占

其國然必察太歲所在。金穰水毀木饑火旱。此其大經也。正月上甲風從東方宜蠶。風從西方若旦黃雲惡冬至短極。縣土炭。動鹿解角。蘭根出泉。出曜畧以知日至。要決。晷景歲星所在。五穀逢昌。其對為衝歲。乃有殃。

正義曰。四始者謂正月旦歲之始。時日之始。月之始也。○孟康曰。率日食一升者。月一日雨。民有一升之食。二日雨。民有二升之食。如此至七日而極。

先冬至三日。縣土炭於衡兩端。輕重適均。冬至日陽氣至。則炭重。夏至日陰氣至。則土重。

太史公曰。自初生民以來。世主曷嘗不曆日月星辰。及至五家三代。紹而明之。內冠帶。外夷狄。分中國為十有二州。仰則觀象於天。俯則法類於地。天則有日月。地則有陰陽。天有五星。地有五行。天則有列宿。地則有州域。三光者。陰陽之精。氣本在地。而聖人統理之。幽厲以往。尚矣。所見天變。皆國殊窟穴。家占物怪。

正義曰。五
黃帝高
高辛克

歸有光曰。太史公凡叙來歷必宗孔子而班謂其後六經妄矣。昧莫遇反。

陳仁錫曰。太史公世掌天文。故於累代各驗言之。歷上分明。如家常事。正所謂了然於心與手者。

史拾遺補

天官書

四十三

以合時應。其文圖籍機祥不法。是以孔子論六經。紀異而說不書。至天道命不傳。其人。不待告。告非其人。雖言不著。昔之傳天數者。高辛之前重黎。於唐虞。羲和有夏昆吾。殷商巫咸。周室史佚。其弘於宋子常。鄭則裨竈。在齊甘公。按甘公名德本魯人楚唐昧。趙尹臯。魏石申。夫天運三十歲一小變。百年中變。五百載大變。三大變一紀。三紀而大備。此其大數也。為國者必貴三五。上下各千歲。然後天人之際續備。太史公推古天變。未有可考於今者。蓋畧以春秋二百四十二年之間。日蝕二十六。彗星三見。宋襄公時。星隕如雨。天子微。諸侯力政。五伯代興。更為王命。自是之後。衆暴寡。大并小。秦楚吳越夷狄也。為疆伯。田氏篡齊。三家分晉。並為戰國。爭於攻取。兵革更起。城邑數屠。因以饑饉疾疫。焦苦。臣主共憂患。其察機祥。候星氣尤急。近世十二諸侯七國相王。言從衡者繼踵。而臯唐甘石。因時務。論其書傳。故其占驗。凌雜米鹽。二十八舍。主

史拾遺補

天官書

四十三

史記卷之... 天官書

填音鎮
按山川脉路如此

十二州斗秉蕪之所從來久矣秦之疆也候在太白
占於狼弧吳楚之疆候在熒惑占於烏衡燕齊之疆
候在辰星占於虛危宋鄭之疆候在歲星占於房心
晉之疆亦候在辰星占於參罰及秦并吞三晉燕代
自河山以南者中國中國於四海內則在東南為陽
陽則日歲星熒惑填星占於街南畢主之其西北則
胡貉月氏諸衣旃裘引弓之民為陰則月太白辰
星占於街北昴主之故中國山川東北流其維首在

隴蜀尾沒於勃碣是以秦晉好用兵復占太白太白
主中國而胡貉數侵掠獨占辰星辰星出入躁疾常
主夷狄其大經也此更為客主人熒惑為客外則理
兵內則理政故曰雖有明天子必視熒惑所在諸侯
更彊時苗異記無可錄者秦始皇之時十五年彗星
四見久者八十日長或竟天其後秦遂以兵滅六王
并中國外攘四夷死人如亂麻因以張楚並起三十
年之間兵相駘藉不可勝數自蚩尤以來未嘗若斯

駘音臺

史記卷之...

天官書

四十四

史記卷之... 天官書

也。項羽救鉅鹿，枉矢西流，山東遂合從諸侯，西坑秦人，誅屠咸陽。漢之興，五星聚於東井，平城之圍，月暈參畢七重，諸呂作亂，日蝕晝晦，吳楚七國叛逆，彗星數丈，天狗過梁野，及兵起，遂伏尸流血，其下元光元狩，蚩尤之旗再見，長則半天，其後京師三出，誅夷狄者數十年，而伐胡尤甚，越之亡，熒惑守斗，朝鮮之拔，星茀於河，戒兵征大宛，星茀招搖，此其帶大者。若至委曲小變，不可勝道，繇是觀之，未有不先形見。

齊佩即也
曰未
不先形

而應隨之者也。夫自漢之為天數者，星則唐都氣則王朔占歲，則魏鮮故甘石曆五星法，唯獨熒惑有反逆行，逆行所守，及他星逆行，日月薄蝕，皆以為占。余觀史記考行事，百年之中，五星無出而不反逆行，反逆行，嘗盛大而變色，日月薄蝕，行南北有時，此其大度也。故紫宮房心權衡咸池虛危列宿部星，此天之五官坐位也，為經不移，徙大小有差，濶狹有常，水火金木填星，此五星者，天之五佐，為經緯，見伏有時，所

先而應隨
之一句一
篇要語，鎖
畫上下文
意

史記卷之... 天官書

四十五

陳子龍曰。高玄不測之理。竟與時事俯仰。說得恂然。勸人修省。

過行羸縮有度。日變修德。月變省刑。星變結和。凡天變過度。乃占國君疆大有德者昌。弱小飾詐者亡。太上修德。其次修政。其次修教。其次修禳。正下無之。夫常星之變。希見而三光之占。亟用。日月暈適。雲風此天之客氣。其發見亦有大運。然其與政事俯仰最近。大人之符。此五者天之感動。為天數者。必通三五。終始古今。深觀時變。察其精粗。則天官備矣。

正義曰。三五謂三十歲一小變。五百歲一大變。米

蓋細碎也。其語在漢書五行志中。太白狼彗皆西方之星。故秦占候也。下諸國倣此。熒惑鳥衡皆南方星。鳥衡。柳星也。辰星虛危皆北方星。歲星房心皆東方星。辰星參罰皆北方星。日陽也。歲星屬東方。熒惑屬南方。填星屬中央。皆在南及東。為陽也。天街二星。主畢昴。主國界也。街南為華夏之國。街北為夷狄之國。則畢星主陽。月陰也。太白屬陰。西方辰星屬北方。皆為陰也。天街星北為夷

史抄韋補 丹書
狄之國則昴星主陰。○帝昭曰：秦晉西南維之北為陰，猶與胡貉引弓之民同，故好用兵。○星經云：太白在北，月在南，中國敗；太白在南，月在北，中國不敗。更為客主者，辰星不出，太白為客，辰星出，太白為主人。○正義曰：招搖一星，次北斗杓端，主胡兵也。占角變，則兵革大行。○正義曰：紫宮，中宮也。房心東宮，權衡南宮，咸池西宮，虛危北宮也。○索隱曰：三五謂三辰五星。

蒼帝行德，天門為之開。

索隱曰：天門，即左右角間也。王者行春令，德澤被天下，則上應靈威，仰之帝，而天門為之開，以發德化。

赤帝行德，天牢為之空。

索隱曰：赤帝，夏陽主，舒散故天牢為之空。天牢六星，在北斗魁下，不對中台。

黃帝行德，天矢為之起，風從西北來，必以庚辛。一秋

索隱曰一
曰二曰謂
占星之家
異說太史
公兼記之

中五至太赦三至小赦

白帝行德以正月二十日二十一日月暈圍常大赦

載謂有太陽也一曰白帝行德畢昴為之圍三暮

德乃成不三暮及圍不合德不成二曰以辰圍不出

其旬

黑帝行德天開為之動

正義曰冬萬物閉藏為之動為之開閉也

天行德天子更立年不德風雨破石三能三衡者矣

廷也客星出天庭有奇令

索隱曰天謂北極紫微宮言王者當天心則北辰

有光輝是天行其德也客星出三台三衡之廷必

有奇異教令

茅坤曰古者太史掌天官而史談以來世其官故

於星術及風雲諸占並有經緯

陳昌應曰文古簡莊嚴而最多雅致誦其音節如

詩

鄧以讚曰。叙象緯一一具形似。而文更高古。勢錯綜。不排句。精嚴而腴。真神妙手。

鍾惺曰。此書以理數為主。文之工拙不必論。然文不能妙。將使人苦其艱晦而棄之。故凡文章叙事。理幽曠者。必使讀者雖不甚悉其故。而其文一一有針路可尋。誦之了然。乃為妙筆。如天官書等作是也。蓋繇作者能了然於心口手之間。寫幽曠處。與尋常顯明者無異。而其古而靈。與而動。整而變。奇而則亦不出此而有之一部。天官掌故得存於後世。固文字之妙。留之也。蓋有無其應而用事者。

陳仁錫曰。天官書獨無序何也。豈後世缺亡之耶。其中文字無限奇古。極多變態。有不暇給者。

封禪書 卷之八

鍾惺曰此語便有識
笑以讚曰
述祭祠名
封禪財貨
名平準蓋
皆寓譏焉
亦惟以封
禪為主歷
晉去乃見
中間血脈
一在實安
括之妙有

封禪書

太史公

自古受命帝王曷嘗不封禪蓋有無其應而用事者
矣未有睹符瑞見而不臻乎泰山者也雖受命而功
不至至梁父矣而德不洽洽矣而日有不暇給是以
即事用希傳曰三年不為禮禮必廢三年不為樂樂
必壞每世之隆則封禪答焉及衰而息厥曠遠者千
有餘載近者數百載故其儀闕然堙滅其詳不可得
而記聞云尚書曰舜在璇璣玉衡以齊七政遂類於

史合或甫

封禪書

一

闕鍵有結
撰漢書改
為郊祀志
使散漫少
味

吳如基曰
中岳獨不
言志者天
子所都也

康仁錫曰
本於修德
是祀典正
語

鄧以讚曰
恐誠刺意
太露特用
年語領之

史記書禮

上帝禋於六宗望山川徧羣神輯五瑞擇吉月日見

四岳諸牧還瑞還一作班歲二月東巡狩至於岱宗岱宗

泰山也柴望秩於山川秩一作班覲東后東后者諸侯也合

時月正日同律度律一作度五禮五玉三帛二牲一死

贊五月巡狩南岳南岳也八月巡狩至西岳

西岳華山也十一月巡狩至北岳北岳恒山也皆如

岱宗之禮中岳嵩高也五載一巡狩禹遵之後十四

世至帝孔甲淫德好神神瀆二龍去之其後三世湯

伐桀欲遷夏社不可作夏社後八世至帝太戊有桑

穀生於廷一暮大拱懼伊陟曰妖不勝德太戊修德

桑穀死伊陟贊巫咸巫咸之興自此始後十四世帝

武丁得傳說為相殷復興焉稱高宗有雉登鼎耳雖

武丁懼祖已曰修德武丁從之位以永寧後五世帝

武乙慢神而震死後三世帝紂淫亂武王伐之繇此

觀之始未嘗不肅祗後稍怠慢也周官曰冬至祀

天於南郊迎長日之至夏日至祭地祗皆用樂舞而

史記書禮

封禪書

二

史記卷之六 封禪書

神乃可得而禮也。天子祭天下名山大川，五岳視三

公，四瀆視諸侯。諸侯祭其疆內名山、大川，四瀆者，法

河、淮、濟也。天子曰明堂，辟雍。諸侯曰泮宮。服虔曰：天子泮宮，蓋制度半於辟雍也。周公既相成王，郊祀上帝

以配天，宗祀文王於明堂以配上帝。自禹興，而後始

祀后稷、稼穡，故有稷祠。郊社所從來尚矣。自周克殷

後十四世，世益衰，禮樂廢，諸侯恣行，而幽王為犬戎

所敗，周東徙雒邑。秦襄公攻戎，救周，始列為諸侯。秦

襄公既侯，居西垂，自以為主，少皞之神。作西時祠，白

帝，其牲用騂駒、黃牛、羝、羊各一。云毛詩外傳云：赤馬黑鼠曰騂，羝，牡羊。

其後十六年，秦文公東獵，汧、渭之間，卜居之，而吉。文

公夢黃虵，自天下屬地，其口止於廊下。周禮云：下平曰廊。文

公問史敦，敦曰：此上帝之徵，君其祠之。於是作廊時，

用三牲，郊祭白帝焉。自未作廊時也，而雍旁故有吳

陽武時，雍東有好時，皆廢無祠。或曰：自古以雍州積

高，神明之隩，故立時，郊上帝，諸神祠皆聚。云：蓋黃帝

高，神明之隩，故立時，郊上帝，諸神祠皆聚。云：蓋黃帝

其弘基曰
自以為主
字誤得冷
刺指秦乎
枯漢乎漢
製秦者乎
鍾惺曰：漸
說封禪上
去其事漸
如其詞亦
漸疑矣，串
最妙
廊音乎

史記卷之六 封禪書

陳仁錫曰
直斥之為
是

鄧以讚曰
句法甚錯
綜有致一
氣一聲恍
寫如見

陳仁錫曰
益謬悠其
說
唐順之曰
以年月串
齊秦如一
國事

時嘗用事雖晚周亦郊焉其語不經見樞紳者不道

作鄜時後九年文公獲若石蘓林曰若石質如石也於陳倉

北阪城祠之其神或歲不至或歲數來來也常以夜

光輝若流星從東南來集於祠城則若雄雞其聲殷

云野雞夜雉如淳曰呂后名雉故諱曰野雞以一牢祠命曰陳寶作

鄜時後七十八年秦德公既立卜居雍後子孫飲馬

於河遂都雍雍之諸祠自此興用三百牢於鄜時作

伏祠磔狗邑四門以禦蠱菑德公立二年卒其後六

年秦宣公作密時於渭南祭青帝其後十四年秦繆

公立病卧五日不寤寤乃言夢見上帝上帝命繆公

平晉亂史書而記藏之府而後世皆曰秦繆公上天

秦繆公即位九年齊桓公既霸會諸侯於葵丘而欲

封禪管仲曰古者封泰山禪梁父者七十二家而夷

吾所記者十有二焉昔無懷氏封泰山禪云云慮義

封泰山禪云云神農封泰山禪云云炎帝封泰山禪

云云黃帝封泰山禪亭亭顓頊封泰山禪云云帝倍

封禪書

鍾惺曰以此一語收

鍾惺曰善巧方便可以為法鄙音雁

封泰山禪云云堯封泰山禪云云舜封泰山禪云云禹封泰山禪會稽湯封泰山禪云云周成王封泰山禪社首皆受命然後得封禪桓公曰寡人北伐山戎過孤竹西伐大夏涉流沙東馬懸車上卑耳之山南伐至召陵登熊耳山以望江漢兵車之會三而乘車之會六九合諸侯一匡天下諸侯莫遠我昔三代受命亦何以異乎於是管仲睹桓公不可窮以辭因設之以事曰古之封禪鄙上之黍北里之未所以為盛

茅坤曰入緣公一設豈以緣公前嘗上天之言

鍾惺曰串得無痕妙

江淮之間一茅三脊所以為藉也東海致比目之魚西海致比翼之鳥然後物有不召而自至者十有五焉今鳳凰麒麟不來嘉穀不生而蓬蒿藜莠茂鳴梟數至而欲封禪毋乃不可乎於是桓公乃止是歲秦繆公內晉君夷吾其後三置晉國之君平其亂繆公立三十九年而卒其後百有餘年而孔子論述六藝傳畧言易姓而王封泰山禪乎梁父者七十餘王矣其祖豆之禮不章蓋難言之或問禘之說孔子曰不

手

陳仁錫曰
頭卜式而
百姓不應
依物怪而

諸侯不從
誠之不可
掩也

應助曰社
七社主七
也

知知禘之說其於天下也視其掌詩云紂在位文王受命政不及泰山武王克殷二年天下未寧而崩受周德之洽維成王成王之封禪則近之矣及後陪臣執政季氏旅於泰山仲尼識之是時萇弘以方事周靈玉諸侯莫朝周周力少萇弘乃明鬼神事設射狸首狸首者諸侯之不來者徐廣曰狸一名不來依物怪欲以致諸侯諸侯不從而晉人執殺萇弘周人之言方怪者自萇弘其後百餘年秦靈公作吳陽上時祭黃帝作

下時祭炎帝後四十八年周太史儋見秦獻公曰秦始與周合合而離五百歲當復合合十七年而霸王出焉櫟陽雨金秦獻公自以為得金瑞故作畦時櫟陽而祀白帝晉灼曰山下有時如種韭畦畦中各有二土卦故云畦時其後百二十歲而秦滅周周之九鼎入於秦或曰宋太丘社亡而鼎沒於泗水彭城下其後百一十五年而秦并天下秦始皇既并天下而帝或曰黃帝得土德黃龍地蟻見夏得木德青龍止於郊草木暢茂殷得金德銀

史拾載補


封禪書

六

鄧以讚曰
句法各異
覺有奇勢

應助曰菹
藉也藉禾
藿也去其
皮以為席
○藉讀優

源仁錫曰
以也譏也
書生之
識者○
去無痕



自山溢周得火德有赤鳥之符今秦變周水德之時
昔秦文公出獵獲黑龍此其水德之瑞於是秦更命
河曰德水以冬十月為年首色上黑數以六為名音
上大呂事統上法即帝位三年東巡郡縣祠騶嶧山
頌秦功業於是徵從齊魯之儒生博士七十人至乎
泰山下諸儒生或議曰古者封禪為蒲車惡傷山之
土石草木掃地而祭席用菹藉言其易遵也始皇聞
此議各爭異難施用繇此絀儒生而遂除車道上自
泰山陽至巔立石頌秦始皇帝德明其得封也從陰
道下禪於梁父其禮頗采太祝之祀雍上帝所用而
封藏皆秘之世不得而記也始皇之上秦山中阪遇
暴風雨休於大樹下諸儒生既絀不得與用於封事
之禮聞始皇遇風雨則譏之於是始皇遂東遊海上
行禮祠名山大川及八神求僊人羨門之屬八神將
自古而有之或曰太公以來作之齊所以為齊以天
齊也其祀絕莫知起時八神一曰天主祠天齊天齊

史拾載補

封禪書

七

楊慎曰當作南郊下
下謂景下也

索隱曰斗入海謂斗也
他曲入海也

淵水居臨菑南郊山下者二曰地主祠泰山梁父蓋
天好陰祠之必於高山之下小山之上命曰時地貴
陽祭之必於澤中圓丘云三曰兵主祠蚩尤蚩尤在
東平陸監鄉齊之西境也四曰陰主祠三山五曰陽
主祠之眾六曰月主祠之萊山皆在齊北並勃海七
曰日主祠成山成山斗入海最居齊東北隅以雞日
出云八曰四時主祠琅邪琅邪在齊東方蓋歲之所
始皆各用一牢具祠而巫祝所損益珪幣雜異焉自

鍾惺曰此轉妙甚皆為漢武帝
所設是作
嶺
余有丁曰按太史公

齊威宣之時騶子之徒論著終始五德之運及秦帝
而齊人奏之故始皇采用之而宋毋忌正伯僑充尚
羨門子高最後皆燕人為方僊道形解銷化依於鬼
神之事騶衍以陰陽主運顯於諸侯而燕齊海上之
方士傳其術不能通然則怪迂阿諛苟合之徒自此
興不可勝數也自威宣燕昭使人入海求蓬萊方丈
瀛洲此三神山者其傳在渤海中去人不遠患且至
則船風引而去蓋嘗有至者諸仙人及不死之藥皆

論神仙禱祀迂誕之說極意糝黠皆寓譏武帝且明其不然也後段公孫卿之談亦然

鍾惺曰似從方士口中托出

陳仁錫曰詳次怪迂而終以始皇崩深著迂謬楊慎曰此以上兼言歷代巡祭巫咸郊時方怪九上方士神仙等事皆為漢武事張本陳仁錫曰從前恍惚

在馬其物禽獸盡白而黃金銀為宮闕未至望之如雲及到三神山反居水下臨之風輒引去終莫能至云世主莫不甘心焉及至秦始皇并天下至海上則方士言之不可勝數始皇自以為至海上而恐不及矣使人乃齋童男女八海求之船交海中皆以風為解曰未能至望見之焉其明年始皇復游海上至琅琊過恒山從上黨歸後三年游碣石考入海方士從上郡歸後五年始皇南至湘山遂登會稽並海上冀遇海中三神山之奇藥不得還至沙丘崩二世元年東巡碣石並海南歷泰山至會稽皆禮祠之而刻勒始皇所立石書旁以章始皇之功德其秋諸侯畔秦三年而二世弒死始皇封禪之後十二歲秦亡諸儒生疾秦焚詩書誅僂文學百姓怨其法天下畔之皆謂無其德而用事者邪昔三代之君皆在河洛之間故嵩高為中岳而四岳各如其方四瀆成在山東至

於水雲之際片言擊要矣。鍾惺曰。又總叙一番。若開若合。妙甚。

唐順之曰。叙得錯綜。

史記卷之

封禪書

秦稱帝。都咸陽。則五岳四瀆皆并在東方。自五帝以至秦。軼興軼衰。名山大川或在諸侯。或在天子。其禮損益世殊。不可勝記。及秦并天下。令祠官所常奉天地名山。大川鬼神。可得而序也。於是自敬以東。名山大川祠二曰太室。太室嵩高也。恒山。泰山。會稽。湘山水曰濟。曰淮。春以脯酒為歲祠。因泮。凍秋酒凍。冬賽禱祠。其牲用牛犢各一。牢具珪幣各異。自華以西。名山七。名川四。曰華山。薄山。薄山者襄山也。岳。山。岐。山。吳。岳。鴻。冢。瀆。山。瀆。山。蜀之汶山也。水曰河。祠臨。晉。沔。祠。漢中。湫。淵。祠。朝。那。江。水。祠。蜀亦春秋泮。涸。禱。賽。如東方名山川。而牲牛犢。牢具珪幣各異。而四大家。鴻。岐。吳。岳。皆有嘗。未。陳。寶。節。來。祠。服虔曰。陳寶節言其神應節而來。其河加有嘗。醪。此皆在雍州之域。近天子之都。故加車一乘。駟。駒。四。灋。產。長。水。澧。潑。涇。渭。皆非大川。以近咸陽。盡得比山川祠。而無諸加。沂。洛。二。淵。鳴。澤。蒲。山。岳。嶧。山。之。屬。為。小。山。川。亦。皆。歲。禱。賽。泮。涸。祠。禮。不。必。

史記卷之

封禪書

十

述漢書作
遂

李奇曰管
茅也
按杜主即
宣王時杜
伯

同而雍有日月參辰北斗熒惑太白歲星填星二
十八宿風伯雨師四海九臣十四臣諸布諸嚴諸述
之屬百有餘廟西亦有數十祠於湖有周天子祠於
下邳有天神澧瀉有昭明樂彥引河圖為昭
明熒惑星散明天子辟
池於社毫有三社主之祠壽星祠而雍管廟亦有杜
主杜主故周之右將軍其在秦中晁小鬼之神者各
以歲時奉祠唯雍四時上帝為尊其光景動人民唯
陳寶故雍四時春以為歲禱因泮凍秋涸凍冬賽祠

五月嘗駒及四仲之月祠若月祠陳寶節來一祠春
夏用駢秋冬用駢時駒四匹木禺龍樂車一駟木禺
車馬一駟各如其帝色黃犢羔各四珪幣各有數皆
生瘞埋無俎豆之具三年一郊秦以冬十月為歲首
故常以十月上宿郊見通權火拜於咸陽之旁而衣
上白其用如經祠云西時畦時祠如其故上不親往
諸此祠皆大祝常主以歲時奉祠之至如他名山川
諸鬼及八神之屬上過則祠去則已郡縣遠方神祠

凌約言曰
敘為始終

武一
長之
矣

史記卷之

封禪書

十一

者民各自奉祠不領於天子之祝官祝官有秘祝即
有菑祥輒祝祠移過於下漢興高祖之微時嘗殺大
蛇有物曰蛇白帝子也而殺者赤帝子高祖初起禱

豐粉榆社

按粉榆
鄉名

狗沛為沛公則祠蚩尤蒙鼓旗遂

以十月至灞上與諸侯平咸陽立為漢王因以十月
為年首而色上赤二年東擊項籍而還入門間故秦
時上帝祠何帝也對曰四帝有白青黃赤帝之祠高
祖曰吾聞天有五帝而有四何也莫知其說於是高

鍾惺曰真
主之言無
所因襲自
是特識

祖曰吾知之矣乃待我而具五也乃立黑帝祠命曰
北時有司進祠上不親往悉召故秦祝官復置太祝
太宰如其故儀禮因令縣為公社下詔曰吾甚重祠
而敬祭今上帝之祭及山川諸神當祠者各以其時
禮祠之如故後四歲天下已定詔御史令豐謹治粉
榆社常以四時春以羊羴祠之令祝官立蚩尤之祠
於長安長安置祠祝官女巫巫其梁巫祠天地天社天
水房中堂下之屬晉巫祠五帝東君雲中司命巫社

史記卷之

封禪書

十一

巫族人先炊之屬秦巫祠社主巫保族纍之屬

曰索隱社

主即上文三社之主 荆巫祠堂下巫先司命施炊之

屬九天巫祠九天皆以歲時祠宮中其河巫祠河於

臨晉而南山巫祠南山秦中秦中者二世皇帝各有

時月其後二歲或曰周興而邑郃立后稷之祠至今

血食天下於是高祖制詔御史其令郡國縣立靈星

祠常以歲時祠以牛高祖十年春有司請令縣常以

春三月及時臘祠社稷以羊豕民里社各自財以祠

陳仁錫曰
仁字之懷
負罪引慝

制曰可其後十八年孝文帝即位即位十三年下詔

曰今祕祝移過於下朕甚不取自今除之始名山大

川在諸侯諸侯祝各自奉祠天子官不領及齊淮南

國廢令大祝盡以歲時致禮如故是歲制曰朕即位

十三年於今賴宗廟之靈社稷之福方內乂安民人

靡疾間者比年登朕之不德何以饗此皆王帝諸神

之賜也蓋聞古者饗其德必報其功欲有增諸神祠

有司議增雍五時路車各一乘駕被具西時畦時禺

茅坤曰詔
祝釐官罷
祝可而因
歲穰而增
幣不可

車各一乘。馬四匹。駕被具。其河湫漢水。加玉各二。及諸祠。各增廣壇場。珪幣俎豆。以差加之。而祝釐者。歸福於朕。百姓不與焉。自今祝致敬。毋有所祈。魯人公孫臣上書曰。始秦得水德。今漢受之。推終始傳。則漢當土德。土德之應。黃龍見。宜改正朔。易服色。色上黃。是時丞相張倉好律歷。以為漢乃水德之始。故河決金堤。其符也。年始冬十月。色外黑內赤。與德相應。如公孫臣言非也。罷之後三歲。黃龍見成紀。文帝乃

召公孫臣。拜為博士。與諸生草改歷服色事。其夏下詔曰。異物之神。見於成紀。無害於民。歲以有年。朕祈郊上帝。諸神禮官。議無諱。以勞朕。有司皆曰。古者天子夏親郊祠上帝於郊。故曰郊。於是夏四月。文帝始郊見雍。五時祠衣皆上赤。其明年趙人新垣平。以望氣見上。言長安東北有神氣。成五采。若人冠。繞馬。或曰。東北神明之舍。西方神明之墓也。天瑞下宜立祠上帝。以合符應。於是作渭陽五帝廟。同宇。帝一殿。面

鍾惺曰。舍墓二字亦奇。

索隱曰刺六經謂采取也

各五門各如其帝色祠所用及儀亦如雍五時夏四月文帝親拜霸渭之會以郊見渭陽五帝五帝廟南臨渭北穿蒲池溝水權火舉而祠若光輝然屬天馬於是貴平上大夫賜累千金而使博士諸生刺六經中作王制謀議巡狩封禪事文帝出長安門若見五人於道北遂因其直北立五帝壇祠以五牢具其明年新垣平使人持玉杯上書闕下獻之平言上曰闕下有寶玉氣來者已視之果有獻玉杯者刻曰人主

鍾惺曰方士伎倆何所不至

延壽平又言臣候日再中居頃之日卻復中於是始更以十七年為元年令天下大酺平言曰周鼎亡在泗水中今河溢通泗臣望東北汾陰直有金寶氣意周鼎其出乎兆見不迎則不至於是上使使治廟汾陰南臨河欲祠出周鼎人有上書告新垣平所言氣神事皆詐也下平吏治誅夷新垣平自是之後文帝怠於改正朔服色神明之事而渭陽長門五帝使祠官領以時致禮不往焉明年匈奴數入邊興兵守禦

鄧以讚曰文帝聖主也稍信祿祥而后遂衰微慈蓋如此

陳仁錫曰。接得無謂而妙。鍾惺曰。此處亦不易下手。

鍾惺曰。婦人而好黃老。手辣如此。然處傷。

他亦快。

曉音啼。

鍾惺曰。說神君一段。却襲正以笑人主痴呆也。

後歲少不登數年而孝景即位十六年祠官各以歲時祠如故無有所興至今天子今天子初即位尤敬鬼神之祀元年漢興已六十餘歲矣按自今天子以武紀天下又安播紳之屬皆望天子封禪改正度也而上鄉儒術招賢良趙綰王臧等以文學為公卿欲議古立明堂城南以朝諸侯草巡狩封禪改歷服色事未就。會竇太后治黃老言不好儒術使人微伺得趙綰等姦利事召案綰臧自殺諸所興為皆廢

後六年竇太后崩其明年徵文學之士公孫弘等明年今上初至雍郊見五時後常三歲一郊是時上求神君舍之上林中號氏觀神君者長陵女子以子死見神於先後宛若宛若祠之其室民多往祠平原君往祠孟康曰兄弟妻相謂先後宛若今妯娌徐廣曰平原君武帝外祖母蔡邕曰異姓婦人以恩澤封者曰君儀比長公主其後子孫以尊顯及今上即位則厚禮置祠之內中聞言不云見其人云是時李少君亦以祠竈穀道却老方見上上尊之少君者故深澤侯舍

一以讚曰
一小傳
精簡造
工叙事
味態
醒曰代
不裝飾妙

茅坤曰至
是始以封
禪為不死
之術

齊音劑

人按深澤侯趙將夜以高祖八年封至元朔五年無後國除主方匿其年及其生

長常自謂七十能使物却老其游以方徧諸侯無妻

子人聞其能使物及不死更饋遺之常餘金錢衣食

人皆以為不治生業而饒給又不知其何所人愈信

爭事之少君資好方善為巧發奇中嘗從武安侯飲

按武安侯田蚡也坐中有九十餘老人少君乃言與其大父

游射處老人為兒時從其大父識其處一坐盡驚少

君見上上有故銅器問少君少君曰此器齊桓公十

年陳於柏寢韓子云齊景公與晏子遊於少海登柏寢之臺而望其國已而案其

刻果齊桓公器一宮盡駭以為少君神數百歲人也

少君言上曰祠竈則致物致物而丹沙可化為黃金

黃金成以為飲食器則益壽益壽而海中蓬萊僊者

乃可見見之以封禪則不死黃帝是也臣嘗游海上

見安期生安期生食巨棗大如瓜安期生僊者通蓬

萊中合則見人不合則隱於是天子始親祠竈遣方

士入海求蓬萊安期生之屬而事化丹沙諸藥齊為

史合或南 封禪書

十七

陳仁錫曰。以下宜有諱文。而詳言之。又極其之。孔子定哀之除微其辭者。豈然歟。

陳仁錫曰。令神仙食。臬更逆惡。○按冥羊馬行。俱神名。

史記卷八

封禪書

黃金矣。居久之。李少君病。死。天子以為化去不死。而使黃鍾史寬舒受其方。求蓬萊安期生。莫能得。而海上燕齊怪迂之方士多更來言神事矣。亳人謬忌奏祠太一方曰。天神貴者太一。太一佐曰五帝。古者天子以春秋祭太一。東南郊用太牢。七日為壇。開八通之鬼道。司馬彪續漢書郊祀志云。壇有八陛。通道以為門。於是天子令太祝立其祠。長安東南郊常奉祠。如忌方。其後人有上書言古者天子三年壹用太牢祠神。三一夫一地一太

一天子許之。令太祝領祠之於忌。太一壇上如其方。

後人復有上書言古者天子常以春解祠。祠黃帝。用

一臬破鏡。臬惡鳥破鏡惡獸。冥羊用羊。祠馬行用一青牡馬。

太一澤山君地長用牛。索隱曰。澤山史記作澤山。君地長謂祭地於澤山也。武

夷君用乾魚。顧氏案地里志云。建安有武夷山。溪有仙人葬處。即漢書所謂武陵君。陰

陽使者以一牛。令祠官領之。如其方。而祠於忌。太一

壇旁。其後天子苑有白鹿。以其皮為幣。以發瑞應。造

白金馬。其明年郊雍。獲一角獸。若麟。然有司曰。陛下

史記卷八

封禪書

十八

肅祇郊祀上帝報享錫一角獸蓋麟云於是以薦五
時時加一牛以燎錫諸侯白金風符應合於天也於
是濟北王以為天子且封禪乃上書獻泰山及其旁
邑天子以他縣償之常山王有罪遷天子封其弟於
真定以續先王祠而以常山為郡然後五岳皆在天
子之邦其明年齊人少翁以鬼神方見上上有所幸
王夫人按王夫人漢書作李夫人夫人卒少翁以方蓋夜致王夫
人及竈鬼之貌云天子自帷中望見焉於是乃拜少

金隱星曰以封禪為主則種種神仙方術言皆有蘊有情故佳諸生竟作武帝紀便爾編陋文固有同言而異美者此也鍾惺痴得妙

翁為文成將軍賞賜甚多以客禮禮之文成言曰上
即欲與神通宮室被服非象神神物不至乃作畫雲
氣車及各以勝日駕車辟惡鬼又作甘泉宮中為臺
室畫天地太一諸鬼神而置祭具以致天神居歲餘
其方益哀神不至乃為帛書以飯牛佯不知言曰此
牛腹中有奇殺視得書書言甚怪天子識其手書問
其人果是偽書於是誅文成將軍隱之其後則又作
柏梁銅柱承露仙人掌之屬矣文成死

正義曰漢武故事云文成

史記卷一百一十五 封禪書

誅月餘使者籍貨適逢於漕亭遂言之明年天子病

鼎湖甚巫醫無所不至不愈游水發根言上郡有巫

使人問神君神君言曰天子無憂病病少愈彊與我

會甘泉於是病愈遂起幸甘泉病良已大赦置酒壽

宮神君按紀上無壽宮神君最貴者太一之宮也

其佐曰大禁司命之屬皆從之弗可得見聞其言言

與人音等時去時來來則風肅然居室帷中時晝言

然常以夜天子被然後入因巫為主人關飲食所以

言行下又置壽宮北宮張羽旗設供具以禮神君神

君所言上使人受書其言命之曰書法其所語世俗

之所知也無絕殊者而天子心獨喜其事秘世莫知

也其後三年有司言元宜以天瑞命不宜以一二數

一三曰建二元以長星曰光三元以郊得一角獸曰

狩云其明年冬天子郊雍議曰今上帝朕親郊而后

土無祀則禮不答也有司與太史公祠官寬舒議天

地無祀則禮不答也

史記卷一百一十五 封禪書 二十

余有丁曰肅然形容

最得 鄧以讚曰然有致

鍾惺曰盡情嘲笑

鍾惺曰。二
字妙有情
理。

地牲角鬮粟。今陛下親祠后土。后土宜於澤中。圓丘
為五壇。壇一黃犢。太牢具。已祠。盡瘞。而從祠衣上黃。
於是天子遂東。始立后土祠汾陰。睢丘如寬舒等議。
上親望拜。如上帝禮。禮畢。天子遂至滎陽。而還。過雒
陽。下詔曰。三代邈絕。遠矣。難存。其以三十里地封周
後。為周子南君。以奉其先祀。焉。是歲。天子始巡郡縣。
浸尋於泰山矣。其春。樂成侯徐廣曰。樂成侯。姓。下名義。上書言樂
大樂。大膠。東宮人。故嘗與文成將軍同師。已而為膠

鄧以讚曰。
人之誕妄。
武帝之輕
信。着意模
寫。

東王尚方。而樂成侯姊為康王后。無子。康王死。他姬
子立為王。而康王后有淫行。與王不相中。相危。以法。
康后聞文成已死。而欲自媚於上。乃遣樂大。因樂成
侯求見。言方。天子既誅文成。後悔其蚤死。惜其方不
盡。及見樂大。大說大為人長。黃言多方。畧而敢為。大
言處之不疑。大言曰。臣嘗往來海中。見安期。羨門之
屬。顧以臣為賤。不信。臣又以為康王諸侯。取不足與
方。臣數言康王。康王又不信。臣臣之師曰。黃金可成。

鍾惺曰。方
士浮浪面

孔千載如
見鍾惺曰又
柿一河決
河塞巧甚

而河決可塞不死之藥可得僊人可致也然臣恐效

文成則方士皆掩口惡敢言方哉上曰文成食馬肝

死耳論術云氣勃而毒甚子誠能修其方我何愛乎

夫曰臣師非有求人者求之陛下必欲致之則貴

其使者令有親屬以客禮待之勿卑使各佩其信印

乃可使通言於神人神人尚肯邪不邪致尊其使然

後可致也於是上使驗小方聞其自相觸擊萬軍

取雞血雜磨針鐵持和磁是時上方憂河決而黃金

不就乃拜大為五利將軍居月餘得四印佩天子將

軍地士將軍大通將軍印制詔御史昔禹疏九江決

四瀆間者河溢臯陸隄繇不息朕臨天下二十有八

年天若遺朕士而大通馬乾稱蜚龍鴻漸于般朕意

庶幾與焉其以二千戶封地士將軍大為樂通侯賜

列侯甲第僮千人乘輦斥車馬帷幄器物以充其家

楊慎曰斥充又以衛長公主妻之索隱曰衛子夫之

斥也音裕衛長公主是齋金萬斤更命其邑曰當利公主天子

陳仁錫曰
荒謬傳會
極備摹寫
鍾惺曰方
士尚公主
奇極蓋直
以蕭史待
之矣

衛長公主是齋金萬斤更命其邑曰當利公主天子

親如五利之第使者存問供給相屬於道自夫主將

相以下徐廣曰太主武后姑皆置酒其家獻遺之於是天子又

刻玉印曰天道將軍使使衣羽衣衣素衣上五利

將軍亦衣羽衣夜立白茅上受印以示不臣也而佩

天道者且為天子道天神也於是五利常獲祠其家

欲以下神神來至而首鬼集矣然頗能使之其後裝

治行東入海求其師云大見數月佩六印貴震天下

而海上燕齊之間莫不搃枕而自言有禁方鬼神德

矣其夏六月中汾陰巫錦為民祠魏雕后土營旁見

地如鉤狀梧視得鼎鼎大異於眾縣文鏤無款識怪

之言吏史告河東太守勝勝以聞天子使使驗問巫

得鼎無姦詐乃以禮祠迎鼎至甘泉從行止薦之至

中山熒囑按熒囑武紀作熒濫如淳曰有黃雲蓋焉

有燕過上自射之因以祭云至長安公卿大夫皆議

請尊寶鼎天子曰聞者河溢歲數不登故巡祭后土

祈為而雖育穀今歲豐庶未報鼎曷為此哉有司皆

陳仁錫曰
方士怪迂
帝更怪迂

史記卷八十五 封禪書

曰聞昔秦帝興神鼎一 孔文祥云恭 一 著臺統天地

萬物所繫終也黃帝作寶鼎三 象天地人禹敷九牧

之金鑄九鼎皆嘗亨賜上帝鬼神遭聖則興鼎遷於

夏商周德衰宋之社亡鼎為淪沒伏而不見頌云自

堂祖基自羊祖牛鼎鼎及鼎不異不驚常昭曰爾雅

之鼎園掩上謂之商 胡考之休今鼎至甘泉光潤龍

變承休無疆合茲中山有黃白雲降蓋若獸為符路

弓乘矢集獲壇下報向大享唯受命而帝者心知其

意而合德焉鼎宜見於祖禰藏於帝廷以答明應制

曰可入海求蓬萊者言蓬萊不遠而不能至者殆不

見其氣上乃遣望氣佐候其氣云其秋上幸雍且郊

或曰五帝太一之佐也宜立太一而上親郊之上疑

未定齊人公孫卿曰今年得寶鼎其冬辛巳朔旦冬

至與黃帝時等卿有札書曰黃帝得寶鼎宛胸問於

鬼史區鬼史區對曰黃帝得寶鼎策是歲己酉朔

旦冬至得天之紀終而復始於是黃帝迎日推策後

鄧以讚曰
獸為符蓋
指所射鹿

惺曰妙
真語皆
不痛不痒

史記卷八十五

封禪書

二十四

鍾惺曰。明
及天子。不
及一所忠
貪痴之爲
害如此。

鄧以讚曰
誕妄可笑
只是里巷
小說話。

陳仁錫曰。
美武帝如
偶然。

鄧以讚曰。
諸大節但
史公特以
美史述之。

史記卷之... 封禪書

率二十歲復朔旦冬至凡二十推三百八十年黃帝
僊登於天卿因所忠欲奏之所忠視其書不經疑其
妄書謝曰寶鼎事已決矣尚何以爲卿因嬖人奏之
上大說乃召問卿對曰受此書申公申公已死上曰
申公何人也卿曰申公齊人與安期生通受黃帝言
無書獨有此鼎書曰漢興復當黃帝之時曰漢之聖
者。在高祖之孫。且曾孫也。寶鼎出而與神通。封禪封
禪七十二玉。唯黃帝得上泰山封。申公曰。漢王亦當

上封。上封則能僊登天矣。黃帝時萬諸侯而神靈之
封居七千。天下名山八而三在蠻夷。五在中國。中國
華山首山太室泰山東萊。此五山黃帝之所常游。與
神會黃帝。且戰且學。僊患百姓非其道者。乃斷斬非
鬼神者百餘歲。然後得與神通。黃帝郊雍上帝。宿三
月。鬼吏區號大鴻。死。葬雍。故鴻冢是也。其後黃帝接
萬靈明廷。明廷者甘泉也。所謂寒門者。谷口也。小顏云谷
口中山之谷口。去井泉八十里。盛夏凜然。故曰寒門。黃帝采首山銅鑄鼎於荆

史記卷之... 封禪書

二十五

不知乃遂
耐青雲不

陳仁錫曰
人主此一
志來方士
之根也

揚慎曰祠
太一則便

曰政薄忌
放薄忌
便曰如
方而文
即應前矣

山下鼎既成有龍垂胡髯下迎黃帝黃帝上騎羣臣
 後宮從上者七十餘人龍乃上去餘小臣不得上乃
 悉持龍髯龍髯拔墮墮黃帝之弓百姓仰望黃帝既
 上天乃抱其弓與胡髯號故後世因名其處曰鼎湖
 其弓曰烏號於是天子曰嗟乎吾誠得如黃帝吾視
 去妻子如脫躡耳乃拜卿為郎東使侯神於太室上
 遂郊雍至龍西西登崆峒幸甘泉令祠官寬舒等具
 太一祠壇祠壇放薄忌太一壇壇三垓五帝壇環居
 其下各如其方黃帝西南除八通鬼道太一其所用
 如雍一時物而加醴棗脯之屬殺一狸牛以為俎豆
 牢具而五帝獨有俎豆醴進其下四方地為醊食羣
 臣從者及北斗云已祠那餘皆燎之其牛色白鹿居
 其中彘在鹿中水而洎之洎音糞一作洎祭日以牛祭月以
 羊彘特太一祝宰則衣紫及繡五帝各如其色日赤
 月白十一月辛巳朔旦冬至昧爽天子始郊拜太一
 朝朝日夕夕月則揖而見太一如雍郊禮其贊饗曰

黃帝且戰
日學仙妄
未已忽
機伐越俱
是神肖

鍾惺曰忽
收轉五利
甚妙
鄧以讚曰
巫蠱

天始以寶鼎神策授皇帝朔而又朔終而復始皇帝
敬拜見焉而衣上黃其祠列火滿壇壇旁亨炊具有
司云祠上有光焉公卿言黃帝始郊見太一雲陽有
司奉瑄玉孟康云璧大六十謂之瑄嘉牲薦饗是夜有美光及晝
黃氣上屬天太史公祠官寬舒等曰神靈之休祐福
兆祥宜因此地光域立太畤壇以明應令大祝領秋
及臘間祠三歲天子一郊見其秋為伐南越告禱太
一以牲荆晝幡日月北斗登龍常昭曰牲剛也以牲荆為柄接交龍為旂
一升一降今止畫以象天一三星為太一鋒命曰靈
旗為兵禱則太史奉以指所伐國而五利將軍使不
敢入海之泰山祠上使人隨驗實母所見五利妄言
見其師其方盡多不雋上乃誅五利其冬公孫卿候
神河南言見僊人跡緱氏城上有物如雉往來城上
天子親幸緱氏城視跡問卿得母效文成五利乎卿
曰僊者非有求人主人主者求之其道非少寬假神
不來言神事事如迂誕積以歲乃可致也於是郡國

史合載補

封禪書

二十七

鍾惺曰始
黃此一語
河見之挽
也

鍾惺曰一
篇主意

各除道繕治宮觀名山神祠所以望幸也其春既滅
南越上有嬖臣李延年以好音見上善之下公卿議
曰民間祠尚有鼓舞樂今郊祠而無樂豈稱乎公卿
曰古者祠天地皆有樂而神祇可得而禮或曰太帝
使素女鼓五十弦瑟悲帝禁不止故破其瑟為二十
五弦於是賽南越禱祠大一后土始用樂舞蓋習歌
兒作二十五弦及空侯琴瑟自此起其來年冬上議
曰古者先振兵釋旅然後封禪乃遂北巡朔方勒兵

十餘萬還祭黃帝冢橋山釋兵須如上曰吾聞黃帝
不死今有冢何也或對曰黃帝已僊上天羣臣葬其
衣冠既至甘泉為且用事泰山先類祠太一自得寶
鼎上與公卿諸生議封禪封禪用希曠絕莫知其儀
禮而羣儒采封禪尚書周官王制之望祀射牛事瓚
射牛示親殺也齊人丁公年九十餘曰封禪者合不死之名
也秦皇帝不得上封陛下必欲上稍上即無風雨遂
上封矣上於是乃令諸儒習射牛草封禪儀數年至

惺曰妙
庸主病

且行天子既聞公孫卿及方士之言黃帝以上封禪
皆致怪物與神通欲放黃帝以上接神僊人蓬萊士
高世比德於九皇而頗采儒術以文之羣儒既已不
能辨明封禪事又牽拘於詩書古文而不能聘上為
封禪祠器示羣儒羣儒或曰不與古同徐偃又曰太
常諸生行禮不如魯善周霸屬圖封禪事於是上絀
偃霸而盡罷諸儒不用三月遂東幸緱氏禮登中岳
太室從官在山下聞若有言萬歲云問上上不言問

陳子龍曰
神怪至以
萬數尚不
悟其妄

下下不言於是以前三百戶封太室奉祀命曰崇高邑
東上泰山泰山之草木葉未生乃令人上石立之泰
山巔上遂東巡海上行禮祠八神齊人之上疏言神
怪奇方者以萬數然無驗者乃益發船令言海中神
山者數千人求蓬萊神人公孫卿持節常先行候名
山至東萊言夜見大人長數丈就之則不見見其跡
甚大類禽獸云羣臣有言見一老父牽狗言吾欲見
巨公已忽不見上即見大跡未信及羣臣有言老父

史記補

封禪書

二十九

節以讚曰
日下陰
為着丙辰
亦見法

則大以為僊人也。宿留海上。予方士傳車及間使求

仙人以千數。四月還至奉高。上念諸儒及方士言封

禪八人。殊不經難施行。天子至梁父。禮祠地主。乙卯

令侍中儒者皮弁薦紳射牛行事。周禮云王視朝則皮弁之服皮弁以

鹿子皮封泰山下東方如郊祠太一之禮。封廣丈二

尺高九尺。其下則有玉牒書。書秘禮畢。天子獨與侍

中奉車子侯上泰山。亦有封。其事皆禁。明日下陰道

丙辰禪泰山下趾東北肅然山。如祭后土禮。按祭后土武紀

作然天子皆親拜見。衣上黃而盡用樂焉。江淮間一

茅三脊為神。藉五色土。益雜封。縱遠方奇獸蜚禽及

白雉諸物。頗以加禮。兕牛犀象之屬不用。皆至泰山

祭后土。封禪祠。其夜若有光。晝有白雲起。封中。天子

從禪還。坐明堂。羣臣更上壽。於是制詔御史。朕以眇

眇之身。承至尊。兢兢焉懼不任。維德菲薄。不明於禮

樂。修祠太一。若有象景光。屑如有望。震於恠物。欲止

不敢。遂登封泰山。至於梁父。而後禪肅然。自新嘉與

謹懼曰此
語膏首
之病

士大夫更始賜民百戶牛一酒十石加年八十孤寡
布帛二匹復博奉高蛇立歷城無出今年租稅其大
赦天下如乙卯赦令行所過毋有復作事在二年前
皆勿聽治又下詔曰古者天子五載一巡狩用事泰
山諸侯有朝宿地其令諸侯各治邸泰山下天子既
已封泰山無風雨災而方士更言蓬萊諸神若將可
得於是上欣然庶幾遇之乃復東至海上望冀遇蓬
萊焉奉車子侯暴病一日死索隱曰新論云武帝出
璽印石時有兆朕子侯

則沒帝畏
惡故殺之上乃遂去並海上北至碣石巡自遼西歷

北邊至九原五月反至甘泉有司言寶鼎出為元鼎

以今年為元封元年其秋有星第於東井後十餘日

有星第於三能第昭曰東井秦分後衛太
子亂三能三公後連坐誅望氣王朔

言候獨見旗星出如瓜索隱曰旗星漢書作填星符
瑞圖云旗星之極芒艷如旗

食頃復入焉有司皆曰陛下建漢家封禪天其報德

星云其來年冬郊雍五帝還拜祝祠太一贊饗曰德

星昭衍厥維休祥壽星仍出淵耀光明信星昭見皇

帝敬拜太祝之享其春公孫卿言見神人東萊山若
 云欲見天子天子於是幸緱氏城拜卿為中大夫遂
 至東萊宿雷之數日無所見見大人跡云復遣方士
 求神怪采芝藥以千數是歲旱於是天子既出無名
 乃禱萬里沙過祠泰山還至鄒子應劭曰萬里神祠也服虔曰鮑子隄
 名自臨塞決河雷二日沈祠而去使二卿將卒塞決
 河徙二渠復禹之故跡焉是時既滅兩越越人勇之
按勇之越地人名乃言越人俗鬼武紀越人俗下有信字而其祠皆見

鬼數有效昔東甌王敬鬼壽百六十歲後世怠慢故
 衰耗乃令越巫立越祝祠安臺無壇亦祠天神上帝
 百鬼而以雞卜上信之越祠雞卜始用公孫卿曰僊
 人可見而上往常遽以故不見今陛下可為觀如緱
 城置脯棗神人宜可致也且僊人好樓居於是上令
 長安則作蜚廉桂觀甘泉則作益延壽觀使卿持節
 設具而候神人乃作通天臺置祠具其下將招來
 僊神人之屬於是甘泉更置前殿始廣諸宮室夏有

漢書無蓋
 董份曰力
 中似復蓋

言房內之
甲間也。

陳仁錫曰。
天旱則稱
黃帝。栢梁
幾則稱黃
帝。何事不
可傳會。

芝生殿房內中。天子為塞河。與通天臺。若見有光。云
乃下詔甘泉房中生芝。九莖。赦天下。毋有復作。其明
年。伐朝鮮。夏旱。公孫卿曰。黃帝時。封則天旱。乾封。三
年。上乃下詔曰。天旱。意乾封乎。其令天下尊祠靈星
焉。其明年。上郊雍。通回中道。巡之。春。至鳴澤。從西河
歸。其明年。冬。上巡南郡。至江陵。而東。登禮濤之天柱
山。號曰南岳。浮江自尋陽出。縱陽。過彭蠡。禮其名山。
川北。至琅邪。並海上。四月中。至奉高。修封焉。初。天子
封泰山。泰山東北趾。古時有明堂。處處險。不敞。上欲
治明堂。奉高旁。未曉其制度。濟南人公玉帶上黃帝
時明堂圖。明堂圖中有一殿。四面無壁。以茅蓋。通水
園宮垣。為複道。上有樓。從西南入。命曰崑侖。天子從
之入。以拜祠上帝焉。於是上令奉高作明堂。汶上如
帶圖。及五年。修封。則祠太一。五帝於明堂上。坐。令高
皇帝祠坐對之。祠后土於下房。以二十太牢。天子從
崑侖道入。始拜明堂。如郊禮。禮畢。燎堂下。而上又上

史記卷五十五

封禪書

三十三

泰山神記

泰山自有秘祠其巔而泰山下祠五帝各如其方黃
帝并赤帝而有司侍祠焉山上舉火下悉應之其後
二歲十一月甲子朔旦冬至推曆者以本統天子親
至泰山以十一月甲子朔旦冬至日祠上帝明堂毋
修封禪其贊饗曰天增授皇帝太元神策周而復始
皇帝敬拜太一東至海上考入海及方士求神者莫
驗然益遣異遇之十一月乙酉柏梁戕十二月甲午
朔上親禪高里祠后土臨勃海將以望祀蓬萊之屬
冀至殊廷焉上還以柏梁戕故朝受計甘泉公孫卿
曰黃帝就青靈臺十二日燒黃帝乃治明廷明廷甘
泉也方士多言古帝王有都甘泉者其後天子又朝
諸侯甘泉甘泉作諸侯邸勇之乃曰越俗有火戕復
起屋必以大用勝厭之於是作建章宮度為千門萬
戶前殿度高未央其東則鳳闕高二十餘丈其西則
唐中數十里虎圈其北治大池漸臺高二十餘丈命
曰太液池中有蓬萊方丈瀛洲壺梁象海中神山龜

吳弘基曰
神仙土木
兵刑各
武帝莫不
甘心於是
好大喜功
之蔽

史合載補

封禪書

三十四

史記卷之... 封禪書

魚之屬其南有玉堂殿門大鳥之屬乃立神明臺井
幹樓度五十丈輦道相屬焉夏漢改曆以正月為歲
首而色上黃官名更印章以五字為太初元年是歲
西伐大宛蝗大起丁夫人雒陽虞初等以方祠詛匈
奴大宛焉其明年有司上言雍五時無牢熟具芬芳
不備乃令祠官進時積牢具色食所勝而以木禺馬
代駒焉獨五月嘗駒行親郊用駒及諸名山川用駒
者悉以木禺馬代行過乃用駒他禮如故其明年東
巡海上考神僊之屬未有驗者方士有言黃帝時為
五城十二樓以侯神人於執期命曰迎年上許作之
如方命曰明年上親禮祠上帝焉公玉帶曰黃帝時
雖封泰山然風后封臣岐伯令黃帝封東泰山武紀封臣
作封鉅應劭禪凡山合符然後不死焉天子既令設
云黃帝師祠兵至東泰山泰山卑小不稱其聲乃令祠官禮饗
而不封禪焉其後令帶奉祠候神物夏遂還泰山修
五年之禮如前而加以禪祠石闕石闕者在泰山下

陳仁錫曰
明其得延
年也

史記卷之...

封禪書

三十五

董份曰寬
訂建祠五
而曰五寬
舒之祠奇

鍾惺曰反
後顧盼數
仁錫曰

二篇疑到
底至此方
矣
鍾惺曰長
篇恰好妙
結
金隱星曰
史公述武
帝近遇刺
恐疑於後
世故贊詞
曰余從曰
八曰侍曰
究觀明信
也且太史
固卜祝一

陞南方方士多言此僊人之閭也。故上親禪焉。其後五年復至泰山修封還過祭恒山。今天子所興祠太一后土三年親郊祠建漢家封禪五年一修封薄忌太一及三一冥羊馬行赤星五寬舒之祠官以歲時致禮凡六祠皆太祝領之。至如八神諸明年凡山一作先山他名祠行過則祠行去則已。方士所興祠各自主其人終則已。祠官不主他祠皆如其故。今上封禪其後十二歲而還偏於五岳四瀆矣。而方士之候祠

神人八海求蓬萊終無有驗。而公孫卿之候神者猶以大人之跡為解。無有效。天子益忿厭方士之怪迂。語笑然羈縻不絕。冀遇其真。自此之後方士言神祠者彌衆。然其效可睹矣。
太史公曰余從巡祭天地諸神名山川而封禪焉。八壽宮侍祠神語究觀方士祠官之意。於是退而論次自古以來用事於鬼神者。具見其表裏。後有君子得以覽焉。若至俎豆珪幣之詳。獻酬之禮。則有司存。

案直如此

箋云正義曰泰山上築土為壇以祭天報天之功
故曰封泰山下小山上除地報地之功故曰禪○
李奇曰梁父梁地山云云山在梁父東○徐廣曰
亭亭山在牟陰○索隱曰兵車之會三按左傳魯
莊十三年會北杏平宋亂僖四年侵蔡遂伐楚六
年伐鄭圍新城是也乘車之會六莊十四年會於
鄆十五年又會鄆十六年盟於幽僖五年會首止
八年盟於洮九年會葵丘○應劭曰嶺丘蚘也黃

帝土位故地見其神蚘大五六圍長十餘丈○解
道彪齊記云臨菑城南有天齊泉五泉並出有異
於常言如天之腹臍○正義曰括地志註云華嶽
本一山當河水過而行河神巨靈手盪腳踏開而
為兩令脚跡在東首陽下手掌在華山呼為仙掌
河流於二山之間○爾雅云祭星曰布或云諸布
者蓋諸布是祭星之處○索隱曰辟池顧氏以為
即瀉池見秦紀今按天子辟池即周天子辟雍也

壽星南極星見則天下理安○墨子云周宣王殺
杜伯不以罪後宣王田於圃見杜伯執弓矢射宣
王伏殺而死故祠之○漢書音義曰禺寄也寄生
龍形於木也人作木偶之偶禺馬亦然○張晏曰
權火烽火也状若井潔臯其法類稱故謂之權欲
令光明遠昭通祀所也○文類曰巫掌神之位次
者范氏世仕於晉故有晉巫范會支庶留秦為劉
氏故有秦巫劉氏隨魏都大梁故有梁巫後徙豐
豐屬荆故有荆巫○索隱曰禮樂志有張安世房
中歌皆謂祭時房中堂上歌先祖之功德○廣雅
云東君日也雲中楚詞雲中君鄭衆云司命文昌
四星也正義曰先炊古炊毋之神巫先謂古巫之
先有靈者蓋巫咸之類也施糜鄭玄謂主施糜粥
之神○淮南子云九天中央曰鈞天東方曰蒼天
東北旻天北方玄天西北幽天西方皓天西南朱
天南方炎天東南陽天○漢舊儀云夏則龍星見

而始零龍星左角為天田教人種百穀為稷靈者神也辰之神為靈星故以壬辰日祠靈星於東南○服虔曰十月陰氣在外黑陽氣尚從在地故內赤○張晏曰神明日也日出東方舍謂暘谷日沒於西方墓謂北谷也○索隱曰淮南子炎帝作火官炷為今之竈神○如淳曰主方主方藥也○孟康曰梟鳥名食母破鏡獸名黃帝欲絕其類使百物祠皆用之破鏡如龜而虎眼○樂彦云畫以勝

日者謂畫青車以甲乙畫赤車以丙丁畫玄車以壬癸畫白車以庚辛畫黃車以戊己將有水事則乘黃車故云駕車避惡鬼也○索隱曰三輔故事云臺高二十丈用香栢為殿梁香聞十里中建章宮承露盤高三十丈七圍以銅為之有仙人掌承露和玉屑飲之○三輔黃圖云鼎湖宮名在藍田○徐廣曰水而洎之洎一作酒灌水於釜中曰洎言既以鹿納牛中以彘納鹿中又以水及酒畫

納於釜中也。○索隱曰：樂彥云：特不用牝也。小顏云：牛羊若彘，止一牲，故云特。○應劭曰：空侯，武帝令樂人候調，始造此器。○常昭曰：崧，高山。有太室，少室山，山有石室，故名。○應劭曰：蜚廉，神禽，能致風氣。○正義曰：受計以裁，故受計獻之物。○索隱曰：井，餘臺積木為樓，言築累薪木，轉相交架，如井幹。

楊慎曰：封禪河渠平準三書，太史公得意之作。

又曰：贊語又摠括一篇之意。巡祭封禪方士祠官，括盡武帝之事。論次自古以來用事鬼神者，則自舜以來之事，皆包括之矣。表者其外之儀文也。裏者其內之德也。

茅坤曰：封禪本幻，而秦皇漢武以幻終，悲夫。陳昌應曰：贖祭祈永，詛匈奴，是大怪事。史遷抵掌而談，不遺餘力，文更精悍。

凌約言曰：太史公作封禪書，其於禱祠百出，則隨

之以若有符應之言。於求仙無方。則隨之以終不
可得之言。遷之微文見意。往往如此。而武帝之無
道昭昭矣。

鍾惺曰。封禪依古郊祀。望之義。後世人主用以
誇其受命之符。從驕心出去之已遠矣。漢武附之。
求仙長生則又益一痴心。支離紐造。愈遠愈訛。此
書妙在將黃虞歷代祀典。與封禪牽合為一。將封
禪與神仙牽合為一。又將河決匈奴諸事與求仙

牽合為一。似涉傳會。而其中格格不相。蒙處讀之。
自見纍々萬餘言。無一着寔語。每用虛字誕語翻
弄。其褒貶即在其中。蓋武帝惟主甘心求仙。必有
一段微言妙理。足以深入而先奪之。太史公合其
微妙者不言。而旣旣譚述。皆不出膚穢之語。如
夢如瞻。如譚如見。戲如銜。寫人主迂呆惑溺全
在事理明白。易曉處見之。所謂欣然庶幾遇之。羈
縻不絕。莫遇其真數語。是其胎骨中貪癡種子。疑

城柔海累劫難斷。怪迂阿諛之徒。接踵而中之。徒
無不獲。其原在此。篇末一語。曰。狀其效可觀矣。意
興颯然。斷案悚然。此一篇長文字。恰好結語。却妙
在含蓄冷。無極力收拾之迹。
陳仁錫曰。封禪帝王祀典。流而為神仙。則秦漢之
妄也。

封禪書終

